

萬有文庫

第二集七百種

王雲五主編

大佛頂首楞嚴經正脈疏

(八)

真鑑述

商務印書館發行

萬有文庫

第二集七百種



商務印書館發行

公用圖書  
愛惜應用

大佛頂首楞嚴經正脈疏

(八)

真鑑述



064

8807 / 2088  
083.12



用

國立中央圖書館



大佛頂首楞嚴經正脈疏卷二十八

經文卷六之四

①三大衆承示開悟證入分二。②一阿難一類開悟。此一類約修證種生。但得頓悟未卽頓證者也。位多在於大乘觀行。小乘方便。若有名字人。緣此新入五品。是卽微證。然悟強證弱。故但顯悟而已。阿難示在初心初果。又示多聞無力。故與此一類權同未證。此其宜也。且圓頓教旨。惟重徹悟。不愁不證。又旣知其示現。則雖不證亦何所屈。况經文本無證意。何必強與爭其有證乎。必執有證。敢定何位。慎勿鑿也。又二。③一正明開悟

於是阿難及諸大衆身心了然。得大開示。

此之身心了然。與前五卷偈後身心皎然不同。彼明身心結之次第。與解之次第爾。尙未知所入一門。是爲何門。當如何修。故此了然。是的知從入之門。獨在耳根。兼亦備悉修法。又明得耳解而六處之根齊解。是身了然。以根卽身也。明得聞復而六處之性齊復。是心了然。以性卽心也。此由與二十五聖并文殊委悉說盡。故曰得大開示。

④二復以喻明

觀佛菩提及大涅槃。猶如有人因事遠遊。未得歸還。明了其家所歸道路。

菩提涅槃是究竟智理極果。前多詳解。卽喻中之家。而喻中歸家道路。卽耳根圓通。所謂因地心也。於道路而言明了。是猶行客方知歸路。而尙未知起行之相。故不強說進證。長水謂其未證非過。

④二登伽一類證入。此一類約修證種熟。隨悟頓證者。然圓頓乘悟卽徹底。證分淺深。登伽顯况不  
思議力所加持故。頓能進證。故與此等作一類也。凡經敍證多從深至淺。此中三科但約圓位。一初  
住、二七信、三初信也。就分三。⑤一得法眼淨。

普會大衆天龍八部有學二乘。及諸一切新發心菩薩。其數凡有十恆河沙。皆得本心。遠塵離垢。獲法眼  
淨。

普會至恆沙舉能證人。首句總舉。次句人天。三句小乘有學。四五句大乘初心。七八句總紀數也。然小  
乘意含無學。以齊七信故。末三句判所證位。初句所證真。次句所斷妄。末句所證果名也。此得本心。與  
三卷末阿難等獲本妙心同一心相。但彼悟得。此證得也。良以圓人初後二心不別。故初住卽證得本  
覺真心矣。中句卽四卷末想相爲塵。識情爲垢。二俱遠離也。覺所覺空。則塵遠。空所空滅。則垢離矣。得  
法眼淨者。資中曰。莊嚴論解法眼淨。初地見道也。若依圓教。卽十住初心也。○蓋生滅旣滅。寂滅現前。  
卽法眼淨矣。此位是證徹圓通因地心。成果地初步。四卷末云。則汝法眼應時清明是也。

⑥二成阿羅漢

性比丘尼聞說偈已。成阿羅漢。

摩登伽今已出家。故從尼稱。而性字卽登伽之華言。阿羅漢卽圓之七信。借小聖名。種大凡位。問。安知  
非小答。若聞圓乘而證小果。譬如食純甘而得苦味。無斯理也。縱有小種。先以取證。以今法力。不成定  
性增慢之流。斷我伏法。何非菩薩。按圓通。卽此根初解。先得人空。而文齊於聞所聞。盡同證斯位。理合

比上加多。以登伽最劣、舉劣況勝、多證可知矣。

⑤三發菩提心

無量衆生、皆發無等等阿耨多羅三藐三菩提心。

十恆河沙尚爲有量。今稱無量者、愈不可名狀其多也。吳興曰。按天台釋法華分別功德品。發菩提心。初入十信也。故仁王般若云。十善菩薩發大心。長別三界苦輪海。○據此位在初信。已發直深大悲之三心。按圓通常至動靜不生。問阿難所證初果。應齊圓之初信。今聞經之衆。昔未證而尙成新證。何阿難先已證者。反不列斯位耶。答論斷見惑。舊證非新。何須列此。若兼論發菩提心。則阿難既示證小。亦示緣生。三心未顯。故亦未列斯位中也。選根直入一大科已竟。

⑥二道場加行。此科爲圓根近下者設也。然上科爲初方便。亦助前圓通而已。分二。⑦一初請略說。又二。⑧一阿難請。又二。⑨一禮謝自悟。

阿難整衣服。於大衆中合掌頂禮。心迹圓明。悲欣交集。

心。謂本有真心迹。謂修證事迹。不達本有之心。則積行曝顯。徒勞無益。不達修證之事。則塵埋寶藏。莫救貧窮。今性修畢達。故曰心迹圓明。悲。謂悲曠劫之雙迷。欣。謂欣一時之圓悟。由此而取證有期。故感激之深如此也。

⑩二拜請度他。分二。⑪一標意禮稱。

欲益未來諸衆生。故稽首白佛。大悲世尊。

我今已悟成佛法門。是中修行。得無疑惑。  
經初原求得成菩提最初方便。上二句。表已悟此也。下二句。表已但於前門中修。不勞道場也。

⑤二後表爲他顯道場專爲他請也。又二⑥一引證佛言

常聞如來說如是言。自未得度先度人者。菩薩發心自覺已圓。能覺他者。如來應世。菩薩無明未盡。猶非得度。然雙明因人果人皆以利他爲事。而菩薩更顯速急。吳興曰。菩薩四誓。以度人爲先。如來十號。以應世爲本也。

⑦二願同菩薩

我雖未度。願度末劫一切衆生。

⑧二正請道場。又二⑨一明聖遠邪與

世尊。此諸衆生。去佛漸遠。邪師說法。如恆河沙。

欲佛說與定式。邪說不得亂真也。

⑩二求遠離魔事

欲攝其心入三摩地。云何令其安立道場。遠諸魔事。於菩提心得無退屈。

魔事擾動。定心不成。修正覺心。必至退屈。故求遠魔也。尋常一往便指耳門爲最初方便。今詳此請。則耳門尙爲初心方便。道場方爲最初方便也。



④二如來說分三。⑤一如來讚許

爾時世尊於大眾中稱讚阿難。善哉善哉。如汝所問安立道場。救護衆生末劫沈溺。汝今諦聽。當爲汝說。善哉有二意。一善其發利他心。得菩薩正行。二善其請道場意。得利他法要也。餘意可知。

⑥二會衆欽承

阿難大眾唯然奉教。

⑦三正與說示分二。⑧一總舉三學。又二。⑨一引律標義

佛告阿難。汝常聞我毗奈耶中。宣說修行三決定義。

標義數也。溫陵曰。三藏之中。毗奈耶律藏也。此大小戒通稱也。決定者。決定修證。依於此中義也。

⑩二指實定名

所謂攝心爲戒。因戒生定。因定發慧。是則名爲三無漏學。

前標決定。正謂決定依此三序。無相踰越。戒取攝心。檢異權小。麤從事相。多約身口也。今取一念不生。目之爲戒。但翻對諸惡。以分各念。其實念惟是一爾。二持之中。亦惟止持。以此皆從微細。心念卽訶禁之故也。因戒生定者。緣攝心動少。漸向於定。如止風而波漸息也。因定發慧者。緣心靜極。本明漸顯。兼照萬法。如波停水湛。自體發光。照涵絲髮也。此若泛言。通途皆爾。今此所修。仍是耳根圓通。但爲最初近下之根。特加戒律道場持呪之三事。故大科云。加行也。至於因戒所生之定慧。仍是忘塵盡根妙定。及彼定所得三空慧耳。觀經文。但惟詳戒而略於定慧可見也。問。前門何不用此。答。中根煩惱輕微。無

自起婬等四念。且彼於忘塵時防護有力。世俗曲屈已不容入。安有自起四念。何況道理徑直等聲。一併止絕哉。至於阿難初果。已能不入色聲等六塵。但加反聞。尚不多費忘塵之力。安有自起婬等之念耶。故知斯門特爲塵勞素重。不待聲引而頻舉。自發婬等四念。乃至身口亦所未免者。加四戒以爲反聞之前方便。加道場持呪以爲正反聞時之助行也。舊解全不知此。杳無一字。豈自此後別爲一法門哉。此非小失。故特爲警示。學人珍重。結名三無漏學者。戒中已自不容一念漏於諸非。何況定慧。然此非但不漏落於三有而已。以注心反聞。兼不漏落空有二邊。所以爲真無漏而非小乘比也。

⑤二別列三學。分二。①一歷明預先嚴戒。預先者。未入道場之先也。正以戒爲定慧道場前方便故。又二。②一正教持戒。又分三。③一躡前徵起。

阿難云何攝心我名爲戒。

④二開釋四重律中所犯罪分輕重。而婬殺盜妄最爲重者也。分四。①一斷婬。溫陵曰。諸經戒殺居首。謂設化以慈悲爲先。此經婬戒居首。爲真修以離欲爲本。蓋欲氣麤濁。染汙妙明。欲習狂迷。易失正受。續生死。喪真常。莫甚於此。故須首戒。而爲清淨第一明誨也。觀阿難起教。示遭邪染。而厥初發心。先厭欲濁。至於三漸次中。一。首懲。然後身心妙圓。獲大安隱。十信初心。由欲愛乾枯。而慧性圓明。遂階等妙。諸世間人。由心不流逸。澄瑩生明。漸乎六天。是故真修內攝。必先離欲也。又分爲二科。⑤一曲分損益之相。又三。⑥一首陳持犯利害。又二。⑦一持則必出生死。

若諸世界六道衆生。其心不婬。則不隨其生死相續。

其心不婬。則是於諸婬欲。非但不動身口。亦不生一念思想之心。方爲不犯。方與攝心爲戒相應。餘三做此。溫陵曰。衆生皆因婬欲。而正性命。故纏生死。若欲愛枯乾。則殘質不續矣。

④二犯則必落魔道。又三。⑤一必不出塵。

汝修三昧。本出塵勞。婬心不除。塵不可出。

三昧。卽耳根圓通。塵勞。卽界內見思。菩薩雖不實出三界。亦須於見思自在。不爲生死所縛。方爲出塵勞矣。今婬欲爲塵勞上首。故不除。必不出矣。

⑥二必墮魔類。

縱有多智。禪定現前。如不斷婬。必落魔道。上品魔王。中品魔女。下品魔女。

多智。謂慧能通達。演說諸法。禪定現前。謂善入住。出發妙境界也。不斷婬者。於禪定時。不決定捨絕。婬念。縱其思惟也。必落魔道者。以境隨心。召心逐境。遷必互相引。今所念。旣在欲境。而欲境莫勝於魔。如水就濕。安有不墮於中者哉。如陰魔中行空禪者。卻留塵勞。廣化寶媛。是也。此蓋定慧心靈。觸境流注。方有斯墮。若無定慧。徒有婬習。則直墮地獄。安有魔宮之報乎。上中下。隨福厚薄。以爲階降耳。

⑦三兼成增慢。

彼等諸魔。亦有徒衆。各各自謂成無上道。

未證謂證。未得謂得。七慢中。增上慢也。亦是非果計果。

⑧二預辨魔佛教儀。欲人辨識。勿爲魔所惑也。分二。⑨一貪婬化世卽魔教。又三。⑩一預記末法。

我滅度後末法之中。

⑤二魔盛宣姪

多此魔民熾盛世間廣行貪姪爲善知識。

此之魔民卽先世帶姪修禪之輩來爲教師神通智慧密教行姪以爲佛事遞相傳授故曰廣行此盛行姪非止心念師徒皆當直墮阿鼻矣。

⑥三陷人壞道

令諸衆生落愛見坑失菩提路。

愛卽思惑見卽見惑姪愛爲教思惑偏重然以姪爲道故亦見惑中大顛倒分別矣。

⑦二教人斷姪卽佛誨

汝教世人修三摩地先斷心姪是名如來先佛世尊第一決定清淨明誨。

此中雖勅阿難而後人不必親待阿難凡遇知識憑經指誨絕姪念修圓通者卽如阿難并釋迦及先佛親來至心依從之凡言姪欲無礙卽魔王親來速當驚避矣廣如陰魔中辨。

⑧三確定菩提成否衆生初心希菩提者宿因教熏善根及本覺內熏之力而難捨姪等者乃俱生曠劫深重習氣故多理欲交戰胷中正此兩難之際忽遇魔師密傳不礙菩提鮮不欣然從之故上科示以被繫落魔所以力止莫從也猶慮有習氣最重者自心姑息謂帶姪修禪雖不速得菩提久當得之故此與之決定不斷畢竟不成斷之方可希望也分二⑨一喻不斷無成又三⑩一舉帶姪

修禪

是故阿難，若不斷婬，修禪定者。

⑤二喻沙不成飯

如蒸沙石，欲其成飯，經百千劫，只名熱沙，何以故？此非飯本，沙石成故。

⑥三合婬不成道

汝以婬身求佛妙果，縱得妙悟，皆是婬根，根本成婬，輪轉三途，必不能出。如來涅槃，何路修證。

首二句合蒸沙作飯，次五句合經劫熱沙也。婬禪妙悟，即沙之暫熱相也。以帶婬之念為根本而發妙悟，故曰皆婬根也。暫生魔宮，恣造巨惡，三途備歷，求出無期。末二句言婬非涅槃之本，如沙非飯本故，故無修證路也。

⑦二勸深斷方成

必使婬機身心俱斷，斷性亦無。於佛菩提，斯可希冀。

此科正是今戒除心切至之言。機者發動之由，如弩牙也。謂身之婬機由心使作，心之婬機由念弛放，一念不生，方得身心俱斷，斷性亦無者，此更究深而論，斷性若存，終與欲對，則欲之緣影未忘，非竭絕也。如病藥俱除，方為無病人也。

⑧二判決邪正之說

如我此說，名為佛說，不如此說，即波旬說。

令人切辨務從佛說而絕魔說也。斷婬已竟。

①二斷殺。科意及文大意皆準前知。一二不同者釋之而已。此中所斷之殺。非但人畜。下至蠅蝨蛇蝎等皆勿殺也。亦非但親殺。雖食肉服身亦所不許。又非但只禁身口。雖心念亦止絕矣。分二。②一由分損益之相。又三。③一首陳持犯利害。又二。④一持則必出生死。

阿難。又諸世界六道衆生。其心不殺。則不隨其生死相續。負命索償。爲生死緣。故不殺則不續也。

⑤二犯則必落神道。又分三。⑥一必不出塵。

汝修三昧。本出塵勞。殺心不除。塵不可出。

⑦二必墮鬼神。

縱有多智。禪定現前。如不斷殺。必落神道。上品之人爲大力鬼。中品則爲飛行夜叉諸鬼帥等。下品當爲地行羅刹。

鬼神雖分勝劣。而均是惡趣。故從人而入者謂之墮落也。然唯識中有九品。此三品蓋是上品內三品也。中下多以慳吝爲墮因。而此上三品皆有力明神。如川嶽等。神通力洞無畏。富樂一同人天。斯則修禪不斷殺生爲墮因也。世之邪人。固有積福求成神道。而不知墮惡趣。鄰地獄。易墜難昇也。然須以定慧帶殺心者方墮斯類。非是徒殺者所能墮也。大力鬼卽天行羅刹。今人間尊奉稱帝稱天者多是此類也。

⑤三兼成增慢

彼諸鬼神亦有徒衆各各自謂成無上道。

6776  
238

⑥二預辨鬼佛教儀。又二。⑦一食肉化世即鬼教。前斷殺生。今言食肉者。以因食肉而殺生者多。故雖不親殺。而財使轉殺。傷生業同。故經云。為利殺衆生。以財網諸肉。二俱是惡業。死墮號叫獄。故食肉即殺生也。世故有能捨食肉而不禁殺生。往往見修行人不恕蠅蝨等。橫殺無數。甚為非理。又有能禁殺生而不捨肉。二皆非理。有志圓通者。痛宜戒之。又分三。⑧一預記末法。

我滅度後。末法之中。

⑨二鬼化食肉。又二。⑩一述鬼化儀。

多此鬼神熾盛。世間自言食肉得菩提路。

偈言食肉不礙成佛。

⑪二廢權防難。又三。⑫一明現在權化。

阿難。我令比丘食五淨肉。此肉皆我神力化生。本無命根。

佛於藏通律中。聽彼教聲。聞菩薩除人蛇等二十種外。許食三淨肉。今言是佛在時。神力所為。則滅後

豈可復食乎。孤山曰。五淨肉者。律明三淨。不見為我殺。不聞為我殺。不疑為我殺。今言五者。加自死鳥

殘二也。

⑬二出權化之由

國家圖書館



004758722

汝婆羅門地多蒸濕。加以沙石。草菜不生。我以大悲神力所加。因大慈悲。假名爲肉。汝得其味。

④ 三明滅後非教

奈何如來滅度之後。食衆生肉。名爲釋子。

此可見凡佛許食肉者。皆佛在權變。漸引慈化耳。及滅後卽實奪命之肉。可更食哉。而深經廢權不許者。皆將滅示實。極護末法之誤墮也。有志者務從實。而不可引權自欺矣。

⑤ 三陷苦增纏。又爲二。① 一必陷苦海

汝等當知是食肉人。縱得心開似三摩地。皆大羅刹。報終必沈生死苦海。非佛弟子。

心開者。禪定中得力。受用境界現前也。然食肉障深。似而非實。皆大羅刹者。以現行先同。來報必墮。故以果目因也。必沈苦海者。以羅刹增上轉惡。必至極苦處矣。

② 二必不出纏

如是之人。相殺相吞。相食未已。云何是人得出三界。

以命債不瞭解脫無期。何由出世哉。

③ 二教人斷殺卽佛誨

汝教世人修三摩地。次斷殺生。是名如來先佛世尊第二決定清淨明誨。

鬼佛化儀已竟。

④ 三確定解脫得否。又二。① 一喻不斷難脫。又分二。② 一正喻



是故阿難。若不斷殺。修禪定者。譬如有人。自塞其耳。高聲大叫。求人不聞。此等名爲欲隱彌露。溫陵曰。修禪避罪。反乃行殺。塞耳避人。反乃高聲。是欲隱彌露也。○避罪二字。宜改出世二字方好。

未二況顯

清淨比丘。及諸菩薩。於岐路行。不蹋生草。况以手拔。云何大悲。取諸衆生血肉充食。

溫陵曰。不故蹋。不故拔。仁慈之至。猶及草木。况食衆生肉耶。

午二勸深斷方脫分二。未一舉能斷賞讚。又二。申一正以舉讚。

若諸比丘。不服東方絲絛絹帛。及是此土靴履裘毳。乳酪醍醐。如是比丘。於世真脫。酬還宿債。不遊三界。毳。卽褐衣也。溫陵曰。東方不無裘毳。西土不無絲絛。各以多分言也。酬還宿債。不遊三界者。上句當在下。譯人語倒也。

申二徵起喻釋

何以故。服其身分。皆爲彼緣。如人食其地中百穀。足不離地。

溫陵曰。足不離地者。劫初之人。體有飛光。足若躡雲。由乎食地肥。陷香稻。故其體堅重。而足不離地也。○身分。言絲等。雖非身之血肉。未必皆奪命。然亦是彼身之一分。用之。則與彼成不離之緣矣。

未二正勸斷許脫

必使身心於諸衆生。若身身分。身心二途。不服不食。我說是人真解脫者。

溫陵曰。身。血肉骨髓也。身分。裘毳乳酪也。身服食。心貪求。二途須併斷也。

④二判決邪正之說

如我此說、名爲佛說、不如此說、卽波旬說、斷殺已竟。

⑤三斷盜。此之偷盜非只竊人之物。但言行詐異、誑惑恐動、乃至一念希取利養者皆是也。分二。⑥

一曲分損益之相。又三。⑦一首陳持犯利害。又二。⑧一持則必出生死

阿難。又復世界六道衆生、其心不偷、則不隨其生死相續。

心不偷、忘其利欲貪得之心、一念不起也。

⑨二犯則必落邪道。又三。⑩一必不出塵

汝修三昧、本出塵勞、偷心不除、塵不可出。

厭塵者方可以出塵、貪世者豈能以越世。

⑪二必墮妖邪

縱有多智、禪定現前、如不斷偷、必落邪道。上品精靈、中品妖魅、下品邪人、諸魅所著。

委曲取利、其心回邪、言行不正、故墮邪類。精靈者、如山精水怪、具諸神通、似仙非仙、似神非神、妖魅者、

出沒世間、每每著人、或奪精氣、或盜財物、邪人、卽被著之人、以其被著、言行妖異、惑亂於人。

⑫三兼成增慢

彼等羣邪、亦有徒衆、各各自謂成無上道。

我滅度後。末法之中。  
②二預辨妖佛教儀二科。③一潛匿誑惑卽妖教。又三。④一預記末法

⑤二多妖偷化

多此妖邪熾盛。世間潛匿奸欺。稱善知識。各自謂已得上人法。誑惑無識。恐令失心。所過之處。其家耗散。潛匿奸欺等者。主於取財。而妖言妖行。或現妖通。自言自任。詐稱得道知識。愚者不測。傾家奉之。

⑥三誤人墮獄。又爲三。⑦一先以己教相形

我教比丘循方乞食。令其捨貪。成菩提道。諸比丘等不自熟食。寄於殘生。旅泊三界。示一往還。去已無返。方處也。隨所到之處。以清淨乞食。卽循方乞也。首四句直標捨貪。謂不積聚。不自作也。諸比丘下釋出捨貪之故。陸宿曰。旅。水宿曰。泊。如過客也。但依佛自釋本意。不須多列。

⑧二顯是違教倒說

云何賊人假我衣服。裨販如來。造種種業。皆言佛法。卻非出家具戒比丘爲小乘道。

首句言其內心本卽是賊。二句言外貌假借僧儀。志惟竊利。以如來爲取利之媒。故曰裨販如來。如言斯人雖如來亦被所賣也。造種種業。皆言佛法者。言無量莊飾。皆爲取利。皆爲墜墮業因。而詐稱佛法。若以前乞食真教相形較之。豈是佛法本意。特彼顛倒。非法說法而已。末三句破其謗正惑人之言。此等奸人。若以前乞食正教責之。彼必自稱己爲菩薩行。反毀遵正教者爲小乘道。此又法說非法之顛倒也。

④三正示疑誤深害

由是疑誤無量衆生、墮無間獄。

聽彼法說非法之言、皆疑正教爲小乘道而從妄謗。聽彼非法說法之言、皆誤以業因爲眞佛法而遵妄行。悉墮阿鼻。潛匿誑惑卽妖教已竟。

⑤二教人斷偷卽佛誨分二 ⑥一先出自己誨又四 ⑦一教以捨身微因

若我滅後、其有比丘發心決定修三摩提、能於如來形像之前、身然一燈、燒一指節、及於身上、蒸一香炷、三摩提卽耳根圓通如幻三摩提也。此句下、義含慮有宿生盜業爲障、勝修乃修如是微因。大凡燒然、須爲消宿障修大定方成妙因。若爲財利名譽、仍獲大罪矣。

⑧二許其畢債出世

我說是人無始宿債一時酬畢、長揖世間、永脫諸漏。

長揖、謂永辭也。孤山曰、盜者取他依報質於己身、今損正報以供上聖、故能翻破無始盜業。

⑨三抑揚明其近道

雖未卽明無上覺路、是人於法已決定心。

覺路卽菩提路、正謂圓通。以方懺悔秉戒、未臻定慧、故曰未明。已決定心者、決定信其宿業必消、覺路得明也。溫陵曰、一切難捨無過己身、難捨能捨、則自餘貪愛決能棄捨。故曰是人於法已決定心。○若徒慕捨身、勉強毀形、現前盜業又復新作、根心貪愛居然不改、尙不免於業苦、豈能決定明覺路哉。

④四親證違此須償

若不爲此捨身微因。縱成無爲。必還生人。酬其宿債。如我馬麥正等無異。成無爲者。證出世果也。若不還生人間償其宿債。有礙勝進及度生。故須償也。溫陵曰。佛爲宿諾比丘。可食馬麥。故果成於毗蘭邑。食之。示宿債必酬也。

⑤二轉教先佛誨

汝教世人修三摩地。後斷偷盜。是名如來先佛世尊第三決定清淨明誨。

預辨妖佛教儀已竟

⑥三確定三昧得否。分二。①一喻其不斷難得

是故阿難。若不斷偷修禪定者。譬如有人水灌漏卮。欲求其滿。縱經塵劫。終無平復。

②二勸其深斷方得。分爲三科。①一惟依了義捨施。又分三。①一身捨貪悋

若諸比丘。衣鉢之餘。分寸不畜。乞食餘分。施餓衆生。

上餘。謂衣鉢之外。止持不貪也。下餘。謂自食已足之外。作持能施。亦不悋也。

②二心捨慢瞋

於大集會。合掌禮衆。有人捶詈。同於稱讚。

上二句敬人。能捨憍慢。必觀佛性同體。見人是佛也。下二句忍己。能捨瞋恨。必觀真如平等。知毀同譽也。

④三身心捨盡

必使身心二俱捐捨。身肉骨血。與衆生共。

首二句。雙承上身心無間。而力行檀度。是必達四念處。無復人執也。末二句。令盡其分量。蓋捨至身肉骨血。則身心寧復有遺餘哉。蓋必觀察苦空無我無常不淨之物。施作佛事耳。問。此前方便。將次入道場。以修定慧。奈何據捨身命。答。此謂不恪身分。非捨身命。以非出假大捨時節也。凡此皆爲成就無偷之心。如云。比丘觀智。身心尙須并捨。豈可復留偷心。曲取奉身利養哉。

⑤二不引權乘欺誑

不將如來不了義說。迴爲己解。以誤初學。

不了義中。聽畜百一所需。但禁餘二。或許不入大會。避辱不受。又布施多不及於身分。今但依上了義教。不依不了義教也。末二句。如因自己不能奉前三戒。或遇初學疑問。卻乃不認己過。曲引權乘。以明無礙。初學蒙昧。亦信行之。是內以自欺。外以誑人。莫大之罪也。認過實言。罪猶輕耳。

⑥三印其得真三昧

佛印是人得真三昧。

印。卽許也。許其必證圓通也。觀此深斷一科。令人慚愧墮淚。可見末法祖師立爲叢林。亦因時慈悲。曲就利生。非得已也。處此者。時時每愧不能取證。不萌一毫念利養之心。僅免罪戾。或遇人引斯經爲難。實言愧謝。末法未能。切不可巧言無礙。又或有傑士達此經。卽能奉了義戒。誓取圓通者。當愧服推仰。

莫曲引他過以飾己非。至於主賓互競，惟利是急，當愧死矣。曲分損益之相已竟。

④二判決邪正之說

如我所說，名爲佛說。不如此說，卽波旬說。

斷偷已竟

④四斷妄。妄語有二。發言不實爲小妄語。妄稱證果爲大妄語。此中所斷大妄語也。此須出口。非同舉心分二。④一曲示戒勸之意。又分四。④一首陳妄語大損。又爲三。④一躡標妄語成魔。

阿難。如是世界六道衆生。雖則身心無殺盜婬。三行已圓。若大妄語。卽三摩地不得清淨。成愛見魔。失如來種。

如是躡前。顯三行縱圓。猶懼此罪。何況三行未圓者乎。大妄語且標名字。下科自釋。溫陵曰。貪其供養。求己尊勝。名愛魔。妄起邪見。謂己齊聖。名見魔。

④二指實述其言意

所謂未得謂得。未證言證。或求世間尊勝第一。謂前人言。我今已得須陀洹果。斯陀含果。阿那含果。阿羅漢道。辟支佛乘。十地。地前。諸位菩薩。求彼禮懺。貪其供養。

得謂得道。指理言也。證謂證果。指位言也。須陀洹等卽果。阿羅漢卽道。蓋小乘理至羅漢而極。故言道也。乘同道位同果也。求世尊勝。要恭敬也。求彼禮懺。希供養也。人於果人前懺悔。必盛陳供養故。

④三記其損善墮落

是一顛迦、消滅佛種。如人以刀斷多羅木，佛記是人永殞善根，無復知見。沈三苦海，不成三昧。溫陵曰：一顛迦，卽一闍提。貝多羅樹以刀斷則不復活，喻大妄永絕善根。三苦海，三途也。

④二表已禁勅顯僞，佛有禁勅，諸聖決不敢違。若違泄者，足知非聖。分二：⑤一詳示真人必密，又三。

⑥一勅二聖冥化，又爲三：⑦一標隨類度生。

我滅度後，勅諸菩薩及阿羅漢，應身生彼末法之中，作種種形，度諸輪轉。

真身如空，應物現形，故曰應身。又二聖於上二土中，別有法性妙身，此於同居應緣而現也。乃分得隨類化身耳，亦或普現色身三昧所成也。

⑧二詳順逆二相

或作沙門、白衣居士、人王宰官、童男童女，如是乃至婬女寡婦、奸偷屠販。

或作下順相也，以此類迹多清淨故。如是下逆相也，以此類迹全染汙故。所謂示衆有三毒，又現邪見相也。衆生應以此身得度者，卽應現之無準矣。

⑨三約佛事則同

與其同事，稱讚佛乘，令其身心入三摩地。

首句、四攝之一也。雙承淨染二事皆與之同。若同其類而不同其事，則矯拂其心，不相順從，故假與同事，意在得其歡心，而遂稱讚佛乘以化之也。此三摩地不定耳根。

⑩二明祕言無泄



終不自言我真菩薩、真阿羅漢。泄佛密因、輕言末學。輕言末學者、輕易泄言於晚學之人也。

③三許臨終陰付

惟除命終、陰有遺付。

既示現受生、亦示現捨命。陰、暗也。遺言付法、欲警其必行。然泄亦婉轉、如杜順清涼之事故曰陰付。

④二因顯泄言必僞

云何是人惑亂衆生、成大妄語。

住則不泄、泄則不住。此一定軌則、如豐乾等三聖是也。若泄言仍住、顯是邪人要求利養、慎莫信之。

⑤三轉教先佛明誨

汝教世人修三摩地、後復斷除諸大妄語。是名如來先佛世尊第四決定清淨明誨。

意不異前

⑥四確定菩提成否、分二。①一詳喻不斷無成。又三。②一舉刻糞喻。又二。③一先以喻明不得

是故阿難、若不斷其大妄語者、如刻人糞爲旃檀形、欲求香氣、無有是處。

⑦二後以形顯違教

我教比丘直心道場、於四威儀一切行中、尚無虛假。云何自稱得上人法。

溫陵曰、淨名云、直心爲道場、無虛假故。四儀、行住坐臥也。○自稱者、妄稱也。上人法、諸果人法也。

未二舉妄號喻。又爲二。申一先以喻明取罪。譬如窮人妄號帝王，自取誅滅。

申二後以況顯罪深。

况復法王如何妄竊。

諸果皆法王位也。

未三舉噬臍喻。又爲二。申一先示因果虛僞。

因地不真，果招迂曲。

以大妄語爲因，故不真。求進反退，求昇反墜，故曰果迂曲。

申二後喻菩提不成。

求佛菩提，如噬臍人，欲誰成就。

溫陵曰：左傳：噬臍，謂終莫能及也。○以妄語而求正覺，如以自口而噬自臍，豈可及哉。

申二深許能斷必成。

若諸比丘，心如直絃，一切真實，入三摩地，永無魔事。我印是人成就菩薩無上知覺。

溫陵曰：向以迂曲，故終莫成就。此能絃直，故印其成就也。○菩薩無上知覺，卽圓通真因地心。然以因

定果，亦是無上菩提矣。

辰二判決邪正之說。

如我此說、名爲佛說、不如此說、卽波旬說。  
開釋四重大科已竟





大佛頂首楞嚴經正脈疏卷二十九經文卷七之一

⑤三總結遠魔分三⑥一酬問重訂嚴戒

阿難。汝問攝心。我今先說入三摩地。修學妙門。求菩薩道。要先持此四種律儀。皎如冰霜。

初問道場。便說云何攝心入三摩地。故佛結酬前問也。妙門卽耳門也。末句言持之潔白無點汙也。

⑥二拔本必不滋末

自不能生一切枝葉。心三口四。生必無因。

四重爲諸罪根本。餘爲枝葉。心三。謂貪瞋癡。口四。卽小妄綺語兩舌惡口。良以旣經細絕。麤必不生也。問。姪殺盜是極麤身業。何反謂其細於心三。大妄語是極重口業。何反謂其細於口四。答。姪殺盜若約身犯極麤。今從心念絕之。令一念不生。故細於心三。大妄獲罪雖重。而約稱因果不實。則比惡口等似未同其麤鄙。故猶細於口四矣。

⑥三絕塵決定遠魔

阿難。如是四事若不遺失。心尙不緣色香味觸。一切魔事云何發生。

不遺失。卽不漏落一念於四重中也。於六塵而但舉四塵。語之略也。蓋塵依念住。念絕而塵何所依。魔托塵入。塵忘而魔何所托。故能遠魔也。正教持戒竟。

⑤二助以呪力。分爲二科。⑥一正以勸持讚勝。又分爲三科。⑥一戒不能除

若有宿習、不能滅除。

宿習、謂過去惑業種子也。溫陵曰：現業易制，自行可違，宿習難除，必假神力。今夫行人好正而固邪，欲潔而偏染，隱然若有驅策而不能已，宿習之使也。

卯二轉教呪遣

汝教是人一心誦我佛頂光明摩訶薩怛多般怛囉無上神呪。

佛頂光，詳現初救阿難時。溫陵曰：摩訶薩怛多般怛囉，此云大白傘蓋，卽藏心也。量廓沙界曰大，體絕妄染曰白，用覆一切曰傘蓋。○顯呪全是真心體用，祕密章句，威力無量，能除宿昔惑業習種，其實苦報亦能除之。今四重正屬惑業，故云然也。

卯三讚呪最勝

斯是如來無見頂相無爲心佛，從頂發輝，坐寶蓮華，所說心呪。

溫陵曰：無見頂者，華嚴九地知識自說爲佛乳母，初生親捧持，諦觀不見頂，示頂法不可以見見也。○佛已入定，便表無爲，光中化佛，顯是無爲心佛。此首二句表本覺究竟二妙果也。頂者，理極無上之相，蓮者，稱真敷行之相。此經令行人先明本具極理，實相知見，是爲從頂發輝。此屬密因，然後稱真修證，是爲坐寶蓮華。此屬顯因，卽修證了義，故此中二句表密顯二妙因也。末句總結，如來現相，見呪中具證如是，極爲殊勝，當深信持之，必令戒成也。

寅二況顯除習無難。又二卯一促舉無修尙證。又三辰一舉愛習甚深。

且汝宿世與摩登伽歷劫因緣，恩愛習氣，非是一生及與一劫。

④二示蒙宣脫證

我一宣揚，愛心永脫，成阿羅漢。

吳興曰：愛心永脫，指初聞呪得阿那含也。成阿羅漢，指前文殊簡圓通後也。○四果雖由聞法，推其拔脫之力，仍當歸功於呪，非呪拔脫，何由而得聞法，以至證羅漢哉。

④三表無修速資

彼尙姪女，無心修行，神力冥資，速證無學。

但依如來，歸功呪力。

④二況顯發心必除，分二。④一明發無上心

云何汝等在會聲聞，求最上乘，決定成佛。

本以學人不同本，以姪女也，發無上心，不同無心修行也。

④二喻除之最易

譬如以塵揚於順風，有何艱險。

吳興曰：塵譬宿習風，如神呪順風揚塵，散之則易。誦呪除習，脫之匪難。○呪力雖如風，而復助無上心人，故更是順風。宿習雖如塵，而有學宿習，更是微塵。反顯姪女乃爲多塵，而無心修行，猶如逆風也。歷明預先嚴戒已竟。

⑤二略示場中定慧。溫陵謂初標三學而終止四戒者。定慧已備前文。似亦知定慧屬前圓通。然亦不於場中說定慧處表彰耳門。遂令行人不知道場中所修復是何門。豈前語亦大略言之。而非見徹之論乎。且此初請略說文中。但詳於戒。而生定生慧無處表彰。豈標徒具三。而釋之惟一乎。以定慧既不越前。即不如說戒之詳而已。豈全無耶。是故今科略示場中定慧也。又分爲二科。⑥一因戒生定。分三。⑦一牒戒擇師。又三。⑧一牒前持戒。

若有末世欲坐道場。先持比丘清淨禁戒。

前雖科爲預先嚴戒。理實但以詳明四戒當嚴。所以此科方是於未入道場之前。實起持戒之行。是以下科方教擇師也。從心止絕前之四事。故曰清淨。不可更添別戒。

⑧二正教擇師

要當選擇戒清淨者。第一沙門以爲其師。

⑨三不遇難成

若其不遇真清淨僧。汝戒律儀必不成就。

⑩二誦呪結界

戒成已後。著新淨衣。然香閒居。誦此心佛所說神呪一百八遍。然後結界。建立道場。

眞際曰。誦呪百八。表滅百八煩惱也。○道場詳在後請。上二科方是因戒意耳。

⑪三定中求佛



求於十方現住國土無上如來，放大悲光來灌其頂。

此科方是所生之定，良以衆生心水淨，諸佛影現中，若非定中，必無求現之理，故知此已在定求也。然定卽反聞自性，入流亡所，但加求佛灌頂之念而已，因戒生定竟。

⑤二因定發慧，又二⑥一約戒願久定，前不兼後，後必兼前，前科但牒戒而生定，此雖總標因定，而文中雙牒戒定爲因，又加發願，類求灌頂也，又爲三⑦一歷舉行人。

阿難，如是末世清淨比丘，若比丘尼、白衣檀越。

白衣兼優婆塞優婆夷，雖不擇僧俗，而男女決定各從其類，必非男女混同一場也。

### ⑧二牒戒明願

心滅貪婬，持佛淨戒，於道場中，發菩薩願。

首句略舉婬戒，次句總該後三戒，菩薩願不出四洪，亦所以爲感佛機也。

### ⑨三剋期久定

出入澡浴，六時行道，如是不寐，經三七日。

凡出道場而復入，則必澡浴，外潔其身也。六時行道，卽專注反聞，經行排遣，內攝其心也。晝夜十二時，六時行道，六時靜坐，均調昏散矣。如子時行道，丑時靜坐，寅時行道，卯時坐等是也。然行中坐中所習，皆反聞自性入流亡所而已。末二句結成剋期久定，不寐有二意，一除昏睡不覺，二戒忘失反聞。此科正牒定，而明因定二字，下科乃生慧也。

④二許顯加發慧

我自現身至其人前、摩頂安慰、令其開悟。

定心爲生慧之親因、摩頂安慰、佛之威力爲助緣。所謂啐啄同時、朗然大悟也。然開悟渾含淺深諸相、不可一定。若得動靜不生、發須陀洹見道之慧。若得聞所聞盡、發阿羅漢人空慧。若得空所空滅、成法空慧。若得寂滅現前、發圓通無上智覺慧也。孤山曰：若見此像、當觀空寂。是佛顯然。是魔則滅。初請略說一科已竟。

⑤二重請詳示分二：①一重請說道場、前雖言入道場而未說道場如何建設、故重請說之。又分爲二科：①一阿難重請、又分爲二科：①一述已開悟

阿難白佛言：世尊，我蒙如來無上悲誨，心已開悟，自知修證，無學道成。自揣但習反聞，不須道場，可成無學，卽聞所聞盡等三空諸果位也。

②二代請軌則

末法修行、建立道場、云何結界、合佛世尊清淨軌則。

③二世尊重說分三：①一道場建設、此中表法理所不無。然亦聖心所知之境。本難盡測。姑就古人舊說存之以備觀覽。實非修行正要。學者亦不必過泥。而反誤耳門正修之旨趣矣。詳之又分五：①一所建壇式、又二科：①一塗壇地、又二：①一正用牛糞和香

佛告阿難：若末世人願立道場、先取雪山大力白牛、食其山中肥膩香草。此牛惟飲雪山清水、其糞微細。

可取其糞、和合栴檀以泥其地、

溫陵曰：法王法言，卽事卽理，法不孤起，事不唐設。如華嚴一字法門，海墨書而不盡。五位行相，卽世諦以彰明。凡所設施，必有取像。則此壇場用度，無非表法也。山爲高土，雪山純淨，上信也。大力白牛，純淨大根也。香草清水，妙善淨智也。茹退，充實遺餘也。上栴檀爲十香之首，十度之總，萬行之冠也。長水曰：雪山牛乳，純是醍醐。所有茹退，最爲香潔。○茹者食也。退卽糞也。十度，謂施戒忍進定慧方便願力智也。

⑤二揀用黃土合香，又四。⑥一揀不堪用

若非雪山，其牛臭穢，不堪塗地。

略一糞字

⑦二別用黃土

別於平原，穿去地皮五尺已下，取其黃土。

溫陵曰：原爲平土，中信也。地皮未淨也。五，數之中，黃色之中，取中中淨信也。

⑧三合十種香

和上栴檀、沈水、蘇合、熏陸、鬱金、白膠、青木、零陵、甘松、及雞舌香。

溫陵曰：十香，十波羅密法香也。

⑨四細羅塗地

以此十種細羅爲粉，合土成泥，以塗場地。

溫陵曰：細羅爲粉，推之以爲微妙萬行也。夫欲取如來寂滅場地，必本於廣大信心，而資乎淨智妙善，以養成純一大根，充實遺餘，猶足以合法香冠十度，故可嚴成寂滅場地也。上信大根有不可得，則求其次焉，故取中中信心，雖未能冠乎十度萬行，而能具之者，亦可以嚴成。

⑤二定壇相

方圓丈六，爲八角壇。

長水謂壇乃除地之壇，似是。若壘土爲之，經當明言層級，今並無之，顯是平地塗爲八角也。溫陵曰：壇寂滅坦實之體也，體具八正，故爲八角，爲攝八邪，故方丈六。

⑥二所設莊嚴分四 ①一壇心華鉢

壇心置一金銀銅木所造蓮華，華中安鉢，鉢中先盛八月露水，水中隨安所有華葉。

溫陵曰：壇心蓮華，中道妙行也。蓮之爲物，華實同體，染淨同源，表妙行大致也。用金銀銅木所造者，表妙行云爲也。金銀百鍊愈精而不變，銅剛而能同，義之像也。木能上罩以覆其下，仁之像也。夫依體起行，精而不變，剛而能同，或以義制，或以仁覆，無過不及，凡皆會於中道，乃所以爲妙行也。鉢爲應器，表隨量應物也。露爲陰澤，以秋降八月，秋之中也。水中華葉，卽仁覆之行，隨澤所施，此又隨量應物，陰利潛化之表也。

⑦二鉢外列鏡

取八圓鏡各安其方圍繞華鉢。

溫陵曰圓鏡大圓鏡智也各安八方圍繞華鉢者智行相依隨方圓應也。

⑤三鏡外華爐

鏡外建立十六蓮華十六香爐間華鋪設莊嚴香爐。

溫陵曰鏡外蓮華香爐各十六而間設者華表妙行香表妙德鏡外即正智之外方便建立使邪正相攝德行相熏庶久而俱化兩忘邪正也。

⑥四爐焚沈水

純燒沈水無令見火。

溫陵曰純燒沈水無令見火者反德藏用滅伏覺觀然後能契寂滅場地也。

⑦三所獻供養分爲二⑧一八味陳供

取白牛乳置十六器乳爲煎餅并諸沙糖油餅乳糜蘇合蜜薑純酥純蜜於蓮華外各各十六圍繞華外以奉諸佛及大菩薩。

溫陵曰表以法喜禪悅獻二尊也權教開許乳酪實教遮禁而復取以享奉者意在融權實同邪正故八味亦各十六圍繞華外表融權攝邪之法喜隨行施設也。

⑨二兩時致享

每以食時若在中夜取蜜半升用酥三合壇前別安一小火爐以兜樓婆香煎取香水沐浴其炭然令猛

熾投是酥蜜於炎爐內，燒令煙盡，享佛菩薩。

溫陵曰：佛以日中受食，故每以日中致享。中夜例日中也。蜜成於華，表和融法行也。酥成於乳，表和融法味也。半為中數，三為成數。小香爐，方寸覺心也。以香沐炭，發覺之法也。藥王然身，先服兜樓婆香，意取發燄，故取沐炭，然令猛熾，投酥蜜於炎爐，燒令煙盡者，行法既成，不可終滯，當於覺心勇猛煅煉，使習氣併鑠，緣影俱亡，豁然如所謂紅爐點雪者，然後為佛所享。

①四所奉尊像，又復分為三料。②一四外旛華。

令其四外徧懸旛華。

溫陵曰：四外旛華，外行嚴飾也。

③二四壁內聖，又二。④一總標。

於壇室中，四壁敷設十方如來，及諸菩薩所有形像。

⑤二別列，分二。⑥一當陽五如來。

應於當陽張盧舍那、釋迦、彌勒、阿閼、彌陀。

溫陵曰：當陽正位盧舍那等，寂場真主也。彌勒當來真主也。阿閼居東，彌陀居西，智慧真主也。

⑦二左右二菩薩。

諸大變化觀音形像，兼金剛藏，安其左右。

溫陵曰：諸大變化觀音形像，上同下合真主也。金剛藏常領金剛護持呪人，伏魔斷障真主也。

⑤三門側外護

帝釋、梵王、烏芻瑟摩、并藍地迦諸軍荼利、與毗俱胝四天王等、頻那夜迦、張於門側、左右安置。溫陵曰、門側左右、釋梵等衆、有力外護也。末法修行、凡賴於此、一有闕焉、必不成就。烏芻、火頭金剛、藍地迦、青面金剛、軍荼利、金剛異號也。毗俱胝、三目持鬘髻是也。頻那夜迦、卽豬頭象鼻二使者。

⑥五所取照映

又取八鏡覆懸虛空、與壇場中所安之鏡、方面相對、使其形影重重相涉。

溫陵曰、壇中之鏡、混物有依、行人之智也。空中之鏡、離物無依、諸佛之智也。混物有依者、方能照物、未能照己、必得乎離物無依、住智交相爲用、然後物我互照、心境雙融、諸佛衆生、身土相入、不勞動步、不待擬心、法法徧周、事事無礙、舉目千聖齊現、觸處萬象昭然。一華一香、徧供塵刹、一行一相、充擴無窮、不假神通、不涉情謂、寂場法法本如是也。道場建設竟。

⑦二修證節次、分二。⑧一三七初成定慧、又分爲二科。⑨一三七功夫、就分爲三科。⑩初一七禮誦行道

於初七中、至誠頂禮十方如來諸大菩薩阿羅漢號、恆於六時誦呪圍壇、至心行道。一時常行一百八徧。溫陵曰、凡所斬向、以皈依三寶爲最初方便、故初七日至誠頂禮如來菩薩羅漢名號、所以假其不思議力發行助道也。○他力也。

⑪次二七專心發願

第二七中一向專心發菩薩願心無間斷。我毗柰耶先有願教。若圖總略不出四洪。溫陵曰依毗尼教專心發願也行願堅強則得大勇猛。吳興曰先有願教者如梵網經十大願等是也。

⑤後三七一向持呪

第三七中於十二時一向持佛般怛囉呪。溫陵曰時無間歇呪無徧限一向誦持遂能以精誠感格進力克功也。

⑥二末日定慧分三⑦一佛現摩頂

至第七日十方如來一時出現鏡交光處承佛摩頂。

此可見前三七中亦具麤略定心但兼體念願呪非不攝心反聞也。若心水不淨佛何由而現乎。溫陵曰鏡交光處則生佛智照感應道交也。

⑧二定心成就

卽於道場修三摩地。

此方專習反聞不令一念緣彼聲塵專注前解聞中妙境所謂入流亡所也。此應坐習爲多時或經行排遣但一味反聞無間。

⑨三慧心成就

能令如是末世修學身心明淨猶如瑠璃。



首句顯定心爲親因。道場持呪等爲助緣。因緣力故。所以能令也。末二句。發慧妙境也。身心意兼真妄。約明字。但是真身真心大智慧光明顯現之相。而淨字雖亦說真。兼顯妄。身安心了不可得。爲真淨之所以也。末句雙喻明淨。且真身真心卽是聞性。聲塵忘而六塵俱捐。故極明淨。此在定中發慧。暫得與寂滅現前境界相應也。三七初成定慧已竟。

①二百日頓證聖果。分三。②一先防不成由不清淨

阿難。若此比丘本受戒師及同會中十比丘等。其中有一不清淨者。如是道場。多不成就。不成就者。但是不能剋期取證。警擇師友不可濫取非人。

③二正示期滿有證初果

從三七後。端坐安居經一百日。有利根者。不起於座。得須陀洹。

利根。謂惑障俱輕。慧性明悟者也。孤山曰。陀洹。按位卽圓初信。若依涅槃。乃是初入別圓地住也。○依初解。則當齊於動靜不生。斷八十八使。亦但位齊小乘見道。非真取小果也。依後解。則當徹至寂滅現前。位齊別教初地。圓教初住。二釋俱通。涅槃借小乘四果名位。以次當大乘住行向地矣。

④三後開未成亦見佛性

縱其身心聖果未成。決定自知成佛不謬。

若依圓師前解。則位在五觀依後解。則位在十信。次於所證必然之理。卽是了了見於佛性。自信本來尊貴。亦不患於不證。所謂已到不疑之地矣。修證節次已竟。

癸三結答酬請

汝問道場建立如是。

吳興曰：壇法行相，此土末世行之惟艱。然所誦呪下文亦許不入道場，故使有緣隨器受益。重請說道場已竟。

辛二重請說神呪分三。⑤一會衆重請，又分二。⑥一述已自請，又爲三。⑦一述遭術遇救，又三。⑧一述多聞未證。

阿難頂禮佛足而白佛言：自我出家，恃佛憍愛，求多聞故，未證無爲。恃愛前已釋過，小乘以四果爲無爲。

⑤二述被邪呪禁

遭彼梵天邪術所禁，心雖明了，力不自由。

初果力弱故也。

⑥三述賴呪轉救

賴遇文殊，令我解脫。

須補文殊將呪往護。

⑦二敘蒙呪未聞

雖蒙如來佛頂神呪，冥獲其力，尙未親聞。

天如曰。昔阿難密承呪力。得解姪難。故曰冥獲未聞。

⑤三請重宣廣利

惟願大慈重爲宣說。悲救此會諸修行輩。末及當來在輪迴者。承佛密音。身意解脫。身解脫者。謂消業離苦也。意解脫者。謂破惑證真也。

⑥二同衆普請

於時會中一切大衆。普皆作禮。佇聞如來祕密章句。

⑦二如來重說分二。⑧一正說神呪。又三。⑨一呪前光相。又四。⑩一如來放頂光

爾時世尊從肉髻中涌百寶光。

斯光所表。具足多義。今略分釋之。此科與次科表顯中之密。以自如來當身所現也。肉髻卽無見頂。表法身理。從頂放光。表依理起智。光具百寶。表智含萬用。

⑪二光中現如來

光中涌出千葉寶蓮。有化如來坐寶華中。

光中涌蓮。表依智發行。化佛坐蓮。表行嚴妙果。

⑫三化佛放頂光

頂放十道百寶光明。

此科與次科表密中之密。以又從化佛重現也。斯卽所謂從佛頂中之佛頂。放寶光中之寶光。表斯呪

尊中之尊、妙中之妙也。十光亦表十力深智、具足萬用、無求不應、見攝受之慈、

⑤四光中現金剛

一一光明、皆徧示現十恆河沙金剛密跡、擎山持杵、徧虛空界、

表無量祕密神用、降伏魔外、無惡不摧、見折伏之威、

⑥二大衆欽聽

大衆仰觀、畏愛兼抱、求佛哀祐、一心聽佛無見頂相放光如來宣說神呪、

畏、謂畏其威愛、謂愛其慈抱、懷也。衆生以此二懷承順如來、而神化無所留滯矣。呪中密具此諸妙理、故表彰之、

⑦三神呪章句

南無薩怛他蘇伽多耶阿羅訶帝三藐三菩提寫一薩怛他佛陀俱知瑟尼釤二南無薩婆勃陀勃地薩  
跢鞞弊三吽迦切南無薩多南三藐三菩提俱知南四娑舍囉婆迦僧伽喃五南無盧雞阿羅漢跢喃六  
南無蘇盧多波那喃七南無娑羯唎陀伽彌喃八南無盧雞三藐伽跢喃九三藐伽波囉底波多那喃十  
南無提婆離瑟赧十一南無悉陀耶毗地耶陀囉離瑟赧十二舍波奴揭囉訶娑訶囉摩他喃十三南  
無跋囉訶摩泥十四南無因陀囉耶十五南無婆伽婆帝十六嚧陀囉耶十七烏摩般帝十八娑醯夜耶  
十九南無婆伽婆帝二十那囉野拏耶二十一槃遮摩訶三慕陀囉二十二南無悉羯唎多耶二十三南  
無婆伽婆帝二十四摩訶迦羅耶二十五地唎般刺那伽囉二十六毗陀囉波拏迦囉耶二十七阿地目

帝二十八尸摩舍那泥婆悉泥二十九摩怛唎伽拏三十南無悉羯唎多耶三十一南無婆伽婆帝三十  
二多他伽跢俱囉耶三十三南無般頭摩俱囉耶三十四南無跋闍囉俱囉耶三十五南無摩尼俱囉耶  
三十六南無伽闍俱囉耶三十七南無婆伽婆帝三十八帝唎茶輸囉西那三十九波囉訶囉拏囉闍耶  
四十跢他伽多耶四十一南無婆伽婆帝四十二南無阿彌多婆耶四十三跢他伽多耶四十四阿囉訶  
帝四十五三藐三菩陀耶四十六南無婆伽婆帝四十七阿芻鞞耶四十八跢他伽多耶四十九阿囉訶  
帝五十三藐三菩陀耶五十一南無婆伽婆帝五十二鞞沙闍耶俱嚧吠柱唎耶五十三般囉婆囉闍耶  
五十四跢他伽多耶五十五南無婆伽婆帝五十六三補師毖多五十七薩憐捺囉刺闍耶五十八跢他  
伽多耶五十九阿囉訶帝六十三藐三菩陀耶六十一南無婆伽婆帝六十二舍雞野母那曳六十三跢  
他伽多耶六十四阿囉訶帝六十五三藐三菩陀耶六十六南無婆伽婆帝六十七刺怛那雞都囉闍耶  
六十八跢他伽多耶六十九阿囉訶帝七十三藐三菩陀耶七十一帝瓢南無薩羯唎多七十二翳曇婆  
伽婆多七十三薩怛他伽都瑟尼釤七十四薩怛多般怛唎七十五南無阿婆囉視耽七十六般囉帝揚  
岐囉七十七薩囉婆部多揭囉訶七十八尼羯囉訶揭迦囉訶尼七十九跋囉毖地耶叱陀你八十阿迦  
囉密唎柱八十一般唎怛囉耶儂揭唎八十二薩囉婆槃跢那目义尼八十三薩囉婆突瑟吒八十四突  
悉乏般那你伐囉尼八十五赭都囉失帝南八十六羯囉訶娑訶薩囉若闍八十七毗多崩娑那羯唎八  
十八阿瑟吒冰舍帝南八十九那义刹怛囉若闍九十波囉薩陀那羯唎九十一阿瑟吒南九十二摩訶  
揭囉訶若闍九十三毗多崩薩那羯唎九十四薩婆舍都嚧你婆囉若闍九十五呼藍突悉乏難遮那舍

尼九十六毖沙舍悉怛囉九十七阿吉尼烏陀迦囉若闍九十八阿般囉視多具囉九十九摩訶般囉戰  
持一百摩訶曇多一摩訶帝闍二摩訶稅多闍婆囉三摩訶跋囉槃陀囉婆悉你四阿唎耶多囉五毗唎  
俱知六誓婆毗闍耶七跋闍囉摩禮底八毗舍嚧多九勃騰罔迦十跋闍囉制喝那阿遮十一摩囉制婆  
般囉質多十二跋闍囉擅持十三毗舍囉遮十四扇多舍鞞提婆補視多十五蘇摩嚧波十六摩訶稅多  
十七阿唎耶多囉十八摩訶婆囉阿般囉十九跋闍囉商羯囉制婆二十跋闍囉俱摩唎二十一俱藍陀  
唎二十二跋闍囉喝薩多遮二十三毗地耶乾遮那摩唎迦二十四嘸蘇母婆羯囉踰那二十五鞞嚧遮  
那俱唎耶二十六夜囉菟瑟尼鈇二十七毗折嚧婆摩尼遮二十八跋闍囉迦那迦波囉婆二十九嚧闍  
那跋闍囉頓稚遮三十稅多遮迦摩囉三十一刹奢尸波囉婆三十二翳帝夷帝三十三母陀囉羯拏三  
十四婆鞞囉懺三十五掘梵都三十六印兔那麼麼寫三十七誦者至此句稱弟子某受持烏鉢三十八  
唎瑟揭拏三十九般刺舍悉多四十薩怛他伽都瑟尼鈇四十一虎鉢四十二都嚧雍四十三瞻婆那四  
十四虎鉢四十五都嚧雍四十六悉耽婆那四十七虎鉢四十八都嚧雍四十九波羅瑟地耶三般叉拏  
羯囉五十虎鉢五十一都嚧雍五十二薩婆藥叉喝囉刹娑五十三揭囉訶若闍五十四毗騰崩薩那羯  
囉五十五虎鉢五十六都嚧雍五十七者都囉尸底南五十八揭囉訶娑訶薩囉南五十九毗騰崩薩那  
囉六十虎鉢六十一都嚧雍六十二囉叉六十三婆伽梵六十四薩怛他伽都瑟尼鈇六十五波囉點闍  
吉唎六十六摩訶娑訶薩囉六十七勃樹娑訶薩囉室唎沙六十八俱知娑訶薩泥帝嚧六十九阿弊提  
視婆唎多七十吒吒嬰婆七十一摩訶跋闍嚧陀囉七十二帝唎菩薩那七十三曼茶囉七十四烏鉢七

十五莎悉帝薄婆都七十六麼麼七十七印兔那麼麼寫七十八至此句準前稱名若俗人稱弟子某甲  
囉闍婆夜七十九主囉跋夜八十阿祇尼婆夜八十一烏陀迦婆夜八十二毗沙婆夜八十三舍薩多囉  
婆夜八十四婆囉斫羯囉婆夜八十五突瑟义婆夜八十六阿舍你婆夜八十七阿迦囉密喇柱婆夜八  
十八陀囉尼部彌劍波伽波陀婆夜八十九烏囉迦婆多婆夜九十刺闍檀茶婆夜九十一那伽婆夜九  
十二毗條怛婆夜九十三蘇波囉拏婆夜九十四藥义揭囉訶九十五囉义私揭囉訶九十六畢喇多揭  
囉訶九十七毗舍遮揭囉訶九十八部多揭囉訶九十九鳩槃茶揭囉訶二百補丹那揭囉訶一迦吒補  
丹那揭囉訶二悉乾度揭囉訶三阿播悉摩囉揭囉訶四烏檀摩陀揭囉訶五車夜揭囉訶六醯喇婆帝  
揭囉訶七社多訶喇南八揭婆訶喇南九噓地囉訶喇南十忙娑訶喇南十一謎陀訶喇南十二摩闍訶  
喇南十三闍多訶喇女十四視比多訶喇南十五毗多訶喇南十六婆多訶喇南十七阿輸遮訶喇女十  
八質多訶喇女十九帝鈇薩鞞鈇二十薩婆揭囉訶南二十一毗陀耶闍瞋陀夜彌二十二雞囉夜彌二  
十三波喇跋囉者迦訶喇擔二十四毗陀夜闍瞋陀夜彌二十五雞囉夜彌二十六茶演尼訶喇擔二十  
七毗陀夜闍瞋陀夜彌二十八雞囉夜彌二十九摩訶般輸般怛夜三十噓陀囉訶喇擔三十一毗陀夜  
闍瞋陀夜彌三十二雞囉夜彌三十三那囉夜拏訶喇擔三十四毗陀夜闍瞋陀夜彌三十五雞囉夜彌  
三十六怛埵伽噓茶西訶喇擔三十七毗陀夜闍瞋陀夜彌三十八雞囉夜彌三十九摩訶迦囉摩怛喇  
伽拏訶喇擔四十毗陀夜闍瞋陀夜彌四十一雞囉夜彌四十二迦波喇迦訶喇擔四十三毗陀夜闍瞋  
陀夜彌四十四雞囉夜彌四十五闍耶羯囉摩度羯囉四十六薩婆囉他娑達那訶喇擔四十七毗陀夜

闍瞋陀夜彌四十八雞囉夜彌四十九赭咄囉婆耆你訖唎擔五十毗陀夜闍瞋陀夜彌五十一雞囉夜  
彌五十二毗唎羊訖唎知五十三難陀雞沙囉伽拏般帝五十四索醯夜訖唎擔五十五毗陀夜闍瞋陀  
夜彌五十六雞囉夜彌五十七那揭那舍囉婆拏訖唎擔五十八毗陀夜闍瞋陀夜彌五十九雞囉夜彌  
六十阿羅漢訖唎擔毗陀夜闍瞋陀夜彌六十一雞囉夜彌六十二毗多囉伽訖唎擔六十三毗陀夜闍  
瞋陀夜彌六十四雞囉夜彌跋闍囉波你六十五具醯夜具醯夜六十六迦地般帝訖唎擔六十七毗陀  
夜闍瞋陀夜彌六十八雞囉夜彌六十九囉义罔七十婆伽梵七十一印兔那麼麼寫七十二至此依前  
稱弟子名婆伽梵七十三薩怛多般怛囉七十四南無粹都帝七十五阿悉多那囉刺迦七十六波囉婆  
悉普吒七十七毗迦薩怛多鉢帝唎七十八什佛囉什佛囉七十九陀囉陀囉八十頻陀囉頻陀囉瞋陀  
瞋陀八十一虎餅八十二虎餅八十三泮吒八十四泮吒泮吒泮吒八十五娑訶八十六醯醯泮八  
十七阿牟迦耶泮八十八阿波囉提訶多泮八十九婆囉波囉陀泮九十阿素囉毗陀囉波迦泮九十一  
薩婆提鞞弊泮九十二薩婆那伽弊泮九十三薩婆藥义弊泮九十四薩婆乾闥婆弊泮九十五薩婆補  
丹那弊泮九十六迦吒補丹那弊泮九十七薩婆突狼枳帝弊泮九十八薩婆突澀比嚩訖瑟帝弊泮九  
十九薩婆什婆嚩弊泮三百薩婆阿播悉摩嚩弊泮一薩婆舍囉婆拏弊泮二薩婆地帝雞弊泮三薩婆  
怛摩陀繼弊泮四薩婆毗陀耶囉誓遮嚩弊泮五闍夜羯囉摩度羯囉六薩婆囉他娑陀雞弊泮七毗地  
夜遮唎弊泮八耆都囉縛耆你弊泮九跋闍囉俱摩唎十毗陀夜囉誓弊泮十一摩訶波囉丁羊义耆唎  
弊泮十二跋闍囉商羯囉夜十三波囉丈耆囉闍耶泮十四摩訶迦囉夜十五摩訶末怛唎迦拏十六南



無娑羯唎多夜泮十七毖瑟拏婢曳泮十八勃囉訶牟尼曳泮十九阿耆尼曳泮二十摩訶羯唎曳泮二  
十一羯囉檀持曳泮二十二蔑怛唎曳泮二十三嘑怛唎曳泮二十四遮文茶曳泮二十五羯邏囉怛唎  
曳泮二十六迦般唎曳泮二十七阿地目質多迦尸摩舍那二十八婆私你曳泮二十九演吉質三十薩  
埵婆寫三十一麼麼印兔那麼麼寫三十二至此依前稱弟子名突瑟吒質多三十三阿末怛唎質多三  
十四烏闍訶囉三十五伽婆訶囉三十六噓地囉訶囉三十七娑娑訶囉三十八摩闍訶囉三十九闍多  
訶囉四十視毖多訶囉四十一跋略夜訶囉四十二乾陀訶囉四十三布史波訶囉四十四頗囉訶囉四  
十五婆寫訶囉四十六般波質多四十七突瑟吒質多四十八嘑陀囉質多四十九藥叉揭囉訶五十囉  
刹娑揭囉訶五十一閉嚱多揭囉訶五十二毗舍遮揭囉訶五十三部多揭囉訶五十四鳩槃荼揭囉訶  
五十五悉乾陀揭囉訶五十六烏怛摩陀揭囉訶五十七車夜揭囉訶五十八阿播薩摩囉揭囉訶五十  
九宅祛革茶耆尼揭囉訶六十唎佛帝揭囉訶六十一闍彌迦揭囉訶六十二舍俱尼揭囉訶六十三姥  
陀囉難地迦揭囉訶六十四阿藍婆揭囉訶六十五乾陀波尼揭囉訶六十六什伐囉堙迦醯迦六十七  
墜帝藥迦六十八怛隸帝藥迦六十九者突託迦七十呢提什伐囉毖鈇摩什伐囉七十一薄底迦七十  
二鼻底迦七十三室隸瑟密迦七十四娑你般帝迦七十五薩婆什伐囉七十六室噓吉帝七十七末陀  
鞞達囉制劍七十八阿綺噓鉗七十九目佉噓鉗八十羯唎突噓鉗八十一揭囉訶揭藍八十二羯拏輸  
藍八十三憚多輸藍八十四迄唎夜輸藍八十五末麼輸藍八十六跋唎室婆輸藍八十七毖栗瑟吒輸  
藍八十八鄔陀囉輸藍八十九羯知輸藍九十跋悉帝輸藍九十一鄔噓輸藍九十二常迦輸藍九十三

喝悉多輸藍九十四跋陀輸藍九十五娑房盎伽般囉丈伽輸藍九十六部多毖路茶九十七茶耆你什婆囉九十八陀突嚧迦建咄嚧吉知婆路多毗九十九薩般嚧訶凌伽四百輸沙怛囉娑那羯囉一毗沙喻迦二阿耆尼烏陀迦三末囉毗囉建路囉四阿迦囉密喇咄怛歛部迦五地栗刺吒六毖喇瑟質迦七薩婆那俱囉八肆引伽弊揭囉喇藥义怛囉芻九末囉視吠帝鈇娑鞞鈇十悉怛多鉢怛囉十一摩訶跋闍嚧瑟尼鈇十二摩訶般賴丈耆藍十三夜波突陀舍喻闍那十四辯怛隸拏十五毗陀耶槃曇迦嚧彌十六帝殊槃曇迦嚧彌十七般囉毗陀槃曇迦嚧彌十八路姪他十九唵二十阿那隸二十一毗舍提二十二鞞囉跋闍囉陀喇二十三槃陀槃陀你二十四跋闍囉謗尼泮二十五虎餅都嚧甕泮二十六娑婆訶二十七

孤山曰。諸經神呪例皆不翻。五不翻中。卽祕密不翻。於四例中。卽翻字不翻音。天台會之。不出四悉。天如曰。孤山所引天台四悉檀。悉徧也。檀。施也。諸聖以四法徧施衆生也。初世界悉檀者。隨方異說。令生歡喜益也。二爲人悉檀者。生善益也。三對治悉檀者。破惡益也。四第一義悉檀者。入理益也。○祕呪非但只是梵語。仍是一切聖賢祕密之言。蓋梵語此方不曉。而天竺之人。日用共所曉解者也。至於祕呪。非但天竺常人不知。理應下位聖賢不達。上位之呪。大端聖賢宏化。例有顯密二教。如醫療病。率有二途。一者授方。則顯說病源藥性。及炮治之法。如佛顯教。二者授藥。則都不顯說。但惟與藥令服。愈病而已。不必求知何藥何治。如佛密教。故今祕呪。正同授藥。不必求解。若解生。則呪喪矣。衆生但當信持之。自蒙諸益也。又祕呪雖不可作解。亦有少分應知。三義略盡。一者理法力。謂以一字含無邊妙理。而稱

爲陀羅尼。謂總一切法。持無量義。斯之威力。全具所詮之理。如此方元亨利貞。亦可避凶致祥矣。二者威德力。謂諸佛菩薩一切權實聖賢威德深重。具大勢力。稱其名號。隨願如意。如今世間有勢力人。亦可假其名聲。伏惡脫難也。三者實語力。佛菩薩一切聖賢起大悲心。愍衆生故。出誠實語。呪願衆生離苦得樂。革凡成聖。故誦之可以隨言成益。如世之實修行人。尚可呪願吉凶。隨言成就。何況證理入位。聖賢真慈誓願。安可測度。此與呪詛義相當也。略述由此三義。故持之得不測神功。然須確信專持。功滿方收成效。若猶豫間斷。中輟或壇戒不能如法。而謗呪無功者。招大罪苦。良以世俗呪禁。蛇蝎瘡瘡者。尙有明驗。而况聖真威靈所寓。安有虛詞。切宜戒之。世人有謂呪之不翻。隱其鄙俚之言。恐人輕笑。此真無知妄謗。少有智者當亦不惑於斯言也。至於四悉利物者。不止祕呪。凡佛放光現通說法。諸設施。第一便欲人人悟入佛之知見。所謂惟爲一大事因緣。卽入理益也。其人未能悟入者。則且與第二斷除煩惱種習。卽破惡益也。久之障盡。後當悟入矣。其人又未能破惡者。則且與第三令其興起善心。建立善行。善力漸強。惡習自退矣。其人又未能興善。則且與第四令生歡喜。卽歡喜益也。亦是與其且種輕少善根。爲上三作遠因緣耳。其人或又不能生於歡喜。反成憎謗者。則佛早已鑑機。默然無爲也。若約一大時教。華嚴正惟入理。而略兼後三。小乘教正惟破惡。而略兼後二。人天教正惟生善。而略兼後一。諸雜趣正惟歡喜。謂且救護拔苦。令其生喜。亦可漸向上三矣。今獨論祕呪四悉。諸師所列。皆從劣向勝爲序。一世界歡喜者。謂隨方利物。如持之以脫難求財等。而天台所謂誦神王名。部落驚懼者。但脫鬼難一途而已。二爲人生善者。如未得戒者。令其得戒。未精進者。令其精進等。而天台比於軍號。

相應無所訶禁者。亦明生善無礙而已。三對治破惡者。如令姪心頓歇等。而天台譬彼貧人詐瞋聞偈頓息者。亦以喻明誦呪之人不自知其惡破之由也。四第一義入理者。如入無生忍等是也。而天台喻以智臣解語餘人不知者。亦但喻其呪力發悟之由人所不測也。大端明祕密四悉利益。非如顯教可知其故。若可測知。何貴祕密。行人但當確信堅持。無勞思議也。正說神呪已竟。

癸二說呪利益分二。子一諸佛要用。可見非但衆生離此呪而無賴。諸佛離此而亦缺用多矣。又分爲三。丑一指示全名。

阿難。是佛頂光聚。悉怛多般怛囉祕密伽陀微妙章句。

頂光聚三字。據實元於頂光化佛說之。仍各有表。頂表尊勝。光表威靈。聚表神用。伽陀。明其呪中有頌。大段曰章。如分五會是也。細分曰句。微妙者。明其隱微奧妙不可測也。

丑二備彰諸用。又三。寅一總標因果。

出生十方一切諸佛。十方如來因此呪心。得成無上正徧知覺。

出生二字。明作密因。得成二字。表助極果。見佛初心。究竟皆不能離。誠要用總相也。

寅二別列要用。又復分爲六科。卯一降魔制外用。

十方如來。執此呪心。降伏諸魔。制諸外道。

以呪威力。令無惑亂也。

卯二現身說法用。

十方如來乘此呪心，坐寶蓮華，應微塵國。十方如來含此呪心，於微塵國，轉大法輪。乘者，依憑之意。呪心者，但依吳興通指全呪爲呪心，卽心呪之謂也。蓋祕密藏中精要之法，故稱呪心。若是，則心字是喻，類如般若心經之心，非指悉怛等六字爲心也。彼是呪名耳。又詳踰姪他，乃卽說呪曰：則唵字以下，方是正呪。不過八句三十四字，前皆三寶并諸外護威名，及實語助呪之類。若不能全持者，可從唵字持之，亦如準提九聖字之例是也。坐蓮普應者，現佛身成道相也。含者，內祕爲本之意。謂本此密理，以演顯教也。

卯三自他授記用

十方如來持此呪心，能於十方摩頂授記。自果未成，亦於十方蒙佛授記。摩授者，謂以呪加持，令必成佛。此可喻於螺贏、螟蛉也。自蒙授記者，可見有持此呪者，佛知必成佛道，故授記也。

卯四救苦救難用

十方如來依此呪心，能於十方拔濟羣苦。所謂地獄、餓鬼、畜生、盲聾瘖瘂、冤憎會苦、愛別離苦、求不得苦、五陰熾盛、大小諸橫，同時解脫。賊難、兵難、王難、獄難、風火水難、飢渴貧窮，應念銷散。此中所具八苦、八難，亦與常途別異。尋常以生老病死配冤憎等，後四爲八苦。今以三塗及根缺配之爲八也。而又贅以大小諸橫，盡其餘苦耳。如藥師諸橫是也。八難亦與諸經不同。今以賊兵王獄風水、火飢爲八也。飢渴卽是饑饉，又贅以貧窮，亦盡其餘難耳。

卯五事師嗣法用

十方如來隨此呪心。能於十方事善知識。四威儀中供養如意。恆沙如來會中。推爲大法王子。呪力能令四事具足。及得他心。故成事師之用。又能開心。通達法要。故成嗣法之用。

卯六攝親轉小用

十方如來行此呪心。能於十方攝受親因。令諸小乘聞祕密藏。不生驚怖。親因。卽歷劫親緣也。攝受。如提獎阿難是也。祕密實乘。必廢三立一。小乘聞多驚疑。呪力能令決了不疑也。

寅三總結始終

十方如來誦此呪心。成無上覺。坐菩提樹。入大涅槃。十方如來傳此呪心。於滅度後。付佛法事。究竟住持。嚴淨戒律。悉得清淨。

前節從初成道。以至入涅槃。次節自正法。以至末法。皆憑呪力。可謂始終全用。不能離也。

丑三更明無盡

若我說是佛頂光聚般怛囉呪。從旦至暮。音聲相聯。字句中間。亦不重疊。經恆沙劫。終不能盡。此無盡方約諸佛要用。已自無盡。非並衆生用也。諸佛要用已竟。

大佛頂首楞嚴經正脈疏卷二十經文卷七之一

⑤二衆生利賴。此衆生理該九界。文多就分二。⑥一別指勝名。亦說此呪名如來頂。

比上全名。此爲略目。獨稱佛頂。特顯尊勝。欲衆生至敬奉持。勿慢易也。

⑦二備彰威力。分三。⑧一首示行人必賴以勸持。又二。⑨一正示誦方遠魔。

汝等有學。未盡輪迴。發心至誠。取阿羅漢。不持此呪。而坐道場。令其身心遠諸魔事。無有是處。

夫小乘三果以前。未出分段。故云未盡輪迴。此卽如前欲入道場。剋期取證者也。不持必定招魔。故前道場中教專持也。今文不持下。反言激勸。必當持也。由是而知一切行人。誰不當持哉。今世現見山中。靜修叢林。多廢持呪。往往發風發顛。縱不成顛。亦多見於怖人媚人境界。皆此弊也。聖言豈有虛乎。問。何無菩薩答。此有三義。不缺菩薩。一者佛用已該。如自果未成。蒙佛授記。事善知識。推法王子是也。二者借名該大。如七信前借小聖名。十地去爲大羅漢。故知圓通道場。取羅漢者。決菩薩根性。及已回心。而非定性也。三者生有深位。如決定菩提。了知沙劫。悟無生忍。何非菩薩。

⑩二開許不誦書帶。

阿難。若諸世界。隨所國土。所有衆生。隨國所生。樺皮。貝葉。紙素。白氈。書寫此呪。貯於香囊。是人心昏。未能誦憶。或帶身上。或書宅中。當知是人。盡其生年。一切諸毒。所不能害。

白氈、天竺之物、紙類也。有價直無量者。此土無之。

④二詳伸護生助道以出由。所以必勸持帶者。正由力能護助。故曰出由。又前勸持中略說助道護生。故此言詳伸也。又二。①一總標二意。

阿難。我今爲汝更說此呪救護世間。得大無畏。成就衆生出世間智。末四句。二句護生。二句助道也。

②二別列多功。分二。①一約衆生以顯各益。又三。②一救護災難。又爲二。③一紀時指人。若我滅後末世衆生。有能自誦。若教他誦。

④二正明救難。分二。①一惡緣不能成害。

當知如是誦持衆生。火不能燒。水不能溺。大毒小毒所不能害。

②二惡生不能加害。分二。①一不能加害。又三。③一加呪不著。

如是乃至龍天鬼神精祇魔魅所有惡呪。皆不能著。

④二加毒卽化。

心得正受。一切呪詛厭蠱毒藥。金毒銀毒。草木蟲蛇萬物毒氣。入此人口。成甘露味。

溫陵曰。金銀入藥。或能發毒。○心得正受。呪力持成三昧也。問。上卻惡呪。何不須於正受答。惡呪非形。魄之物。可以正呪遮令不得加身。何須自身三昧。今有形之毒。已入身中。非自身三昧。安能化爲甘露。故須正受。



④三起惡不得一切惡星并諸鬼神、礮心毒人、於如是人不能起惡。

⑤二仍加守護

頻那夜迦諸惡鬼王并其眷屬皆領深恩常加守護。

溫陵曰以誦呪利彼故諸惡鬼王皆領深恩救護災難已竟。

⑥二助成道業分六⑦一資發通明爲下諸科張本不先發通明則隔陰多昏豈能長劫脫惡生勝以至證果乎又分三⑧一明聖眷護呪

阿難當知是呪常有八萬四千那由他恆河沙俱胝金剛藏王菩薩種族一一皆有諸金剛衆而爲眷屬、晝夜隨侍。

約果德皆深位菩薩約現身則力士奮威之相蓋護災鬼神可以與力助道非菩薩不可是以首明菩薩陰侍。

⑨二舉散心亦從

設有衆生於散亂心非三摩地、心憶口持是金剛王常隨從彼諸善男子。

此約悠悠修行之人未決定常住三摩地者但常持呪故亦隨從非放逸穢惡之輩。

⑩三況菩提心人又分三⑪一先以標人

何況決定菩提心者。

此須常住三摩中，而又持呪希求速得圓滿菩提是也。本經所宗，卽耳根圓通爲妙三摩提。

④二冥加開發

此諸金剛菩薩藏王，精心陰速，發彼神識。菩薩能以神力加被，令人心開陰暗，速催也。良以菩薩心精與行人心精通，一體無二，而菩薩心力，兼彼呪力，故能暗催行人，令其開心矣。

⑤三圓證通明

是人應時心能記憶八萬四千恆河沙劫，周徧了知，得無疑惑。

溫陵曰：卽所謂成就衆生出世間智也。○記憶雖但似於宿命，然河沙紀劫，而又云周徧，決洞三世，且了知無疑，似涉三明，何況沙劫迴超小乘八萬，當知仍是菩薩殊勝六通三明矣。

⑥二遠離雜趣，生雜趣中，或染惡習，或墮重苦，深妨道業。修心人皆發願不生雜趣，故此科在助道業中，分三。⑦一標時至果

從第一劫，乃至後身。

第一劫，初發決定菩提心時，後身，卽因滿降，生成佛之身，可見全爲中間修行時得無妨礙也。

⑧二不生神鬼

生生不生藥叉羅刹，及富單那、迦吒富單那、鳩槃荼、毗舍遮等，并諸餓鬼，有形無形，有想無想，如是惡處，藥叉羅刹等現，觀音圓通，富單那加云迦吒者，亦眷屬類也。

⑤三不生貧賤

是善男子若讀若誦、若書若寫、若帶若藏、諸色供養、劫劫不生貧窮下賤不可樂處。

背念曰誦、圖印曰寫、密佩曰藏、貧則困苦、賤則役苦、皆妨道業、離不可樂、定生可樂也。長水曰、以持尊勝也。

⑥三常生佛前、常隨佛學、修證必速、分三、⑦一、共佛功德

此諸衆生、縱其自身不作福業、十方如來所有功德悉與此人。

此科尙是生佛界之由、以多福德因緣方生、今持呪能感諸佛惠錫功德、故得定生、彌陀經謂念佛卽是多福、當由惠錫。

⑧二、共佛生處

由是得於恆河沙阿僧祇、不可說不可說劫、常與諸佛同生一處。

由是者、由前佛錫功德、故得常共佛生也。

⑨三、共佛熏修

無量功德如惡義聚、同處熏修、永無分散。

此方生後功德、旣常隨佛、凡佛功德一一有分、故得生必際會、親炙薰染、長劫而不離也。

⑩四、衆行成就、又分爲五、⑪一、成具戒行

是故能令破戒之人、戒根清淨、未得戒者、令其得戒。

未精進者、令得精進。

⑤二成精進行

無智慧者、令得智慧。

⑥三成智慧行

不清淨者、速得清淨。

⑦四成清淨行

不持齋戒、自成齋戒。

⑧五成齋戒行

人有宿障、屢欲齋戒、不得成就、呪能成之、或業礙地礙、及無師無壇、不得齋戒、許但持呪、同於齋戒。

⑨五諸罪消滅、分爲四。⑩一破戒罪滅、又分二。⑪一輕重齊消。

阿難、是善男子持此呪時、設犯禁戒於未受時、持呪之後、衆破戒罪、無問輕重、一時消滅。溫陵曰、未受時者、未持呪時也、可見持呪之後、不可更造也。

⑫二食噉並宥

縱經飲酒、食噉五辛、種種不淨、一切諸佛菩薩金剛天仙鬼神、不將爲過。

此有三說、酌量觀經之一字、似未持之前經過之事、持呪之後、悉皆宥之、非持呪之人、縱恣無度也。又或持呪人有不得已、偶經此事、並可宥之、亦非縱恣也。或真慈開許、不能具齋戒者、亦聽持之、旋可消。

罪。如冰投湯之喻。顯呪殊勝而已。準前未受之語。前二說理長。若參四律三漸之文。則真修希證之人。清淨持之爲上也。

⑤二違式罪滅。分二。⑥一不淨卽淨。

設著不淨破弊衣服。一行一住。悉同清淨。

此亦行頭陀行。清貧不備。令持之勿疑。非富饒故意爲此。

⑥二不壇卽壇。

縱不作壇。不入道場。亦不行道。誦持此呪。還同入壇行道功德無有異也。

前之壇法。極難全備。此許無壇持呪。勿疑功德差別也。况若更能常住大定。是真寂滅場地。當亦愈於徒有壇相而不具定心者矣。

⑦三極重罪滅。

若造五逆無間重罪。及諸比丘比丘尼四棄八棄。誦此呪已。如是重業。猶如猛風吹散沙聚。悉皆滅除。更無毫髮。

此未發心持呪之前所犯。可仗呪力滅盡。不可更疑不盡。決非令持呪無畏。肆犯此惡也。孤山曰。比丘四棄。卽殺盜淫妄四根本重罪。梵語波羅夷。此云棄。謂犯此者永棄佛法邊外。猶如死屍。大海不受也。比丘尼復加四棄。曰觸入覆。隨卽第五不得染心。男身相觸。第六不得染心。男捉手捉衣。入屏處。屏處共立。共語。共行。身相倚。相期等。八事。第七不得覆他重罪。第八不得隨舉大僧供給衣食。卽爲僧所舉。

未作共住法者不得隨彼也。通上故名八棄。僧所舉者。卽舉訐之義也。

④四極遠罪滅。又分爲二科。①一積罪未懺。

阿難。若有衆生從無量無數劫來。所有一切輕重罪障。從前世來。未及懺悔。

②二以呪滅盡。

若能讀誦書寫此呪。身上帶持。若安住處莊宅園館。如是積業。猶湯消雪。

解讀誦者不書亦可。不解誦者。書帶安置兼之尤妙。

③六速悟無生。

不久皆得悟無生忍。

圓實初住便證此忍。別教當在地上。詳前發通。乃是定心成就所發。今悟無生。乃是慧心成就所發。前但了知不昧。未必實證萬法無生。應知後位深於前位。况得此忍之後。罪福皆空。聖凡情盡。可以魔佛一如。方能徧涉苦惡諸趣。而無礙無擇。故知此科超前諸科。而爲助道之成功矣。又所謂出世間智者。發通成始。而無生成終也。按六科前四。卽爲人生善悉檀。第五對治破惡。第六第一義入理也。而前之救難。後之應求。乃世界歡喜悉檀也。餘可類知。助成道業已竟。

④三稱遂願求。前救難屬悲。拔苦。此應求屬慈。與樂。分二。①一生前願求。分四。②一求男女。

復次阿難。若有女人未生男女。欲求孕者。若能至心憶念斯呪。或能身上帶此悉怛多般怛囉者。便生福德智慧男女。

⑤二求長命。求長命者，即得長命。

⑥三求果報。

欲求果報速圓滿者，速得圓滿。

此中福利果報及修行果報，似皆渾含。若修行果報，通上三悉，大端助道業中已有修行果報。此應多是福利果報。

⑦四求身色。

身命色力，亦復如是。

此是長命，復兼聰明不衰，百體康健者也。

⑧二命終往生。

命終之後，隨願往生十方國土，必定不生邊地下賤，何況雜形。

此約稱願，故別於助道也。約衆生以顯各利已竟。

⑨二約國土以顯普益。前明各人誦帶，各得其益。此惟書寫安置以普益合國合邑等。此正世界悉

檀也。分三：⑩一諸難消除，又分三：⑪一先舉難處。

阿難。若諸國土州縣聚落，饑荒疫癘，或復刀兵賊難鬪諍，兼餘一切厄難之地。

⑫二安城迎供，又分爲二科：⑬一教以安呪。

寫此神呪安城四門并諸支提或脫閣上。

溫陵曰支提此云可供養處卽淨刹之通稱也脫閣云幢。

⑨二供佩身家

令其國土所有衆生奉迎斯呪禮拜恭敬一心供養令其人民各各身佩或各各安所居室地。

⑩三結難消除

一切災厄悉皆消滅。

⑪二兆民豐樂

阿難在在處處國土衆生隨有此呪天龍歡喜風雨順時五穀豐殷兆庶安樂。

此須約舉國咸知信敬或君臣守令悉遇知音教民敬重方獲靈通譬持呪者多久方靈暫時豈能速效此亦如是至敬方靈若也呪雖徧有束之高閣曾無敬禮或更置於猥褻之地塵穢不收而責呪無驗者亦惑之甚也餘皆倣此思之。

⑫三惡星不現分爲二⑬一略標

亦復能鎮一切惡星隨方變怪災障不起人無橫夭杻械枷鎖不著其身晝夜安眠常無惡夢。

⑭二詳釋又分爲二科⑮一釋諸星現災

阿難是娑婆界有八萬四千災變惡星二十八惡星而爲上首復有八大惡星以爲其主作種種形出現世時能生衆生種種災異。



溫陵曰。八萬四千。應衆生煩惱業也。二十八。則四方之紀。八。則五行之經。及羅計字也。順則福應。逆則災應。所謂惠迪吉。從逆凶也。能生災異者。亦應其逆而已。如彗孛飛流。應同分。非星之爲也。

未二釋鎮消方量

有此呪地。悉皆消滅。十二由旬。成結界地。諸惡災祥。永不能入。

溫陵曰。以呪力叶乎百順。故惡變悉滅於天。災祥不入其境。祥吉凶之先兆也。二詳伸護生助道。以出由已竟。

寅三承明行人必證以結勸。初科勸持。是舉初修。卻魔以示勸。此科結勸。明言決定開心。是舉終證。以欣勸也。分二。卯一承明。故說保安。承明佛說本意。多爲保安行人。爾又分二。辰一保護安隱。是故如來宣示此呪於未來世。保護初學諸修行者。入三摩地。身心泰然。得大安隱。

辰二遠離魔冤

更無一切諸魔鬼神。及無始來冤橫宿殃。舊業陳債。來相惱害。

卯二正示無過必證。又三。辰一舉現未之人

汝及衆中諸有學人。及未來世諸修行者。

辰二明不犯四過

依我壇場。如法持戒。所受戒主。逢清淨僧。於此呪心。不生疑悔。

四過。謂一壇差。二戒缺。三師穢。四疑悔。犯一則難現生取證。遠因而已。故知前之開許。非許真修之輩。

也。

④三決必得心通

是善男子。於此父母所生之身。不得心通。十方如來。便爲妄語。

父母生身。言不待後身方證也。吳興曰。心通者。據前所說。不出三義。一者證果。卽端坐百日。有利根者。不起於座。得須陀洹也。二者發解。謂縱其身心聖果未成。決定自知成佛不謬。三者宿命。是人應時。心能記憶八萬四千恆河沙劫。周徧了知。得無疑惑矣。如來重說已竟。

⑤三會衆願護。問。呪自有力。何勞人護。答。呪字後方爲正呪。前皆歸請三寶威力。或各心呪。以諸聖護生願同故也。又有八部神王名號。固亦有本願。而兼遵佛勅。且以護生功德嚴自果也。至於凡類小神。露呪妙力。脫苦得樂。所謂皆領深恩守護也。是以行人持呪自力。又兼外護他力。由是持帶功德巍巍。不可測知矣。問。眞慈之於行人。無不可護。何必令其持呪方護。答。呪有神功。令其先生自力。又假呼請爲緣。且呪如天子之勅。故領勅者。尊勝幹國。諸王臣無不護之。否則卑劣無幹。莫之護也。又持呪如讀書人。必爲世用。王臣無不作養薦拔之。不讀無用。則養薦何施。又行人如戰士。呪如利刃甲冑。諸聖如助戰之人。故甲兵具者。可以助其必勝。不具。則助何益哉。略述少義。足明呪護須兼持者。可勿疑矣。分二。⑥一外衆護持。以具世間之相。未標菩薩之號。故云外也。然其權實不定。若權現。則皆內祕菩薩。外乃假名。若實凡夫。則外乃實號也。又分五。⑦一金剛力士衆。說是語已。會中無量百千金剛。一時佛前合掌頂禮。而白佛言。如佛所說。我當誠心保護。如是修菩提者。

此現具執金剛身。不同後之菩薩也。修菩提者。以持呪修耳根圓通爲上。後皆倣此。

⑤二兩天統尊衆

爾時梵王、并天帝釋、四天大王、亦於佛前同時頂禮、而白佛言、審有如是修學善人、我當盡心至誠保護、令其一生所作如願。

審、猶果也。一生如願、謂令現生取證、及心通也。此入理悉檀。若作事事如願、卽餘三悉矣。

⑥三八部統尊衆

復有無量藥叉大將、諸羅刹王、富單那王、鳩槃荼王、毗舍遮王、頻那夜迦、諸大鬼王、及諸鬼帥、亦於佛前合掌頂禮。我亦誓願護持是人、令菩提心速得圓滿。

誓常護、令大果速成就也。

⑦四照臨主宰衆

復有無量日月天子、風師、雨師、雲師、雷師、并電伯等、年歲巡官、諸星眷屬、亦於會中頂禮佛足、而白佛言、我亦保護是修行人、安立道場、得無所畏。

師伯、亦主宰統尊之稱。年歲巡官、卽四直功曹之類。特護道場者、是於剋期取證之人、倍護令不畏魔、非全不護隨便修衆也。

⑧五地祇天神衆

復有無量山神、海神、一切土地、水陸空行、萬物精祇、并風神王、無色界天、於如來前、同時稽首、而白佛言、

我亦保護是修行人、得成菩提、永無魔事。

山海神、川嶽主也。土地、地祇類也。水陸空行、舉三居以該多衆也。萬物精祇、如主樹木、苗稼等神。以上皆有形之類。下該無形。風神王似舜若多、主空神也。經云、其形如風、無色界天無業果色、皆無形類也。而同言稽首者、或仗佛威光、暫能現身也。溫陵謂補全三界四大亦通。但缺火神、外衆護持已竟。

⑩二內聖護持本跡雙彰、故標內教之聖、分三科。⑪一指人敍儀。

爾時八萬四千那由他恆河沙俱胝金剛藏王菩薩、在大會中、卽從座起、頂禮佛足、而白佛言。

證究竟堅固之理、故稱金剛。祕跡護持、故稱藏。慈威尊勝、折攝並行、故稱王菩薩。是其常儀。降魔、則現持杵忿怒金剛之相、故云爾。

⑫二顯本久護

世尊。如我等輩所修功業、久成菩提、不取涅槃、常隨此呪、救護末世修三摩地正修行者。

功業久成、卽歷位斷證已極、不取涅槃、但不偏取寂滅、而實圓住三祕密藏、常隨下、表其不捨衆生、帶果行因、以酬護生本願、皆自顯其本。

⑬三正明護持、分爲四。⑭一定散俱護

世尊。如是修心求正定人、若在道場、及餘經行、乃至散心遊戲聚落、我等徒衆、常當隨從侍衛此人。

道場經行、俱攝心正定之時、卽反聞自性入流亡所等時也。乃至下、亦是發心起修之後、但初心間斷、有時散心、菩薩亦不以其散心而不護也。由是而觀、持呪修行之人、亦當自知尊重、不應作破戒穢行。

以仰愧於菩薩也。

⑤二魔魅盡祛分爲二。⑥一正明盡祛。

縱令魔王大自在天求其方便終不可得。諸小鬼神去此善人十由旬外。大自在亦色界魔天。

⑦二開除發心。

除彼發心樂修禪者。

彼詣諸小鬼神發心好禪。彼亦自護行人。故不祛除。許令親近。

⑧三違越不滅。

世尊。若是惡魔。若魔眷屬。欲來侵擾。是善人者。我以寶杵殞碎其首。猶如微塵。

殞壞也。寶杵擬之卽碎。不待觸擊。孤山曰。以上羣靈皆獲本心。住首楞嚴。能建大義。示現菩薩。諸天鬼神等像。護持行人耳。而言以寶杵碎首者。若涅槃殺闍提。仙預誅淨行。皆由住無緣慈。得一子地。乃能如是。

⑨四常令如意。

恆令此人所作如願。

如願準前。自初喻華屋請修。以至此文。當爲巧修正助周。夫二修雖皆最初方便。而耳門深入是爲正修。而道場持呪皆爲助行。是知方便修人。自分利鈍二根。根稍利者。固不必道場等助。而自可解耳根。

以入圓通。如阿難是也。根稍鈍而不能促入者。方用後門助之。問。此既一周。何無證悟之人。答。證悟在正行之末。此但助行。故無證悟。其於經題四實法中。正屬修證了義耳。說三摩提。令依妙心一門深入。一大科已竟。

⑤三說禪那。令住圓定歷位修證。此答阿難妙禪那之請也。然與上科皆不離前性定華屋。前如得門而入。此如升堂入室之次第。但兼前緣了二因。定慧雙融爲勝耳。分二。⑥一阿難謝教請位。又三。⑦一具儀陳白。

阿難卽從座起。頂禮佛足而白佛言。

⑧二謝請之言。及分爲二。⑨一述過謝益。此與上科亦可總屬上謝修之尾。奈文理連下。今作謝前請後之科。又二。⑩一述多聞未修。

我輩愚鈍。好爲多聞。於諸漏心未求出離。

諸漏心。謂微細煩惱住地深惑。不止四住。愚則難明。鈍則難斷。况耽強記而未專求。故久未出離也。

⑪二謝蒙教獲益。

蒙佛慈誨。得正熏修。身心快然。獲大饒益。

慈誨。卽前選根加行二門開示也。正助分明。進修無惑。故快然饒益也。

⑫二正以請位。又分二。⑬一確指果前。

世尊。如是修證佛三摩地。未到涅槃。

⑤二歷請諸位

云何名為乾慧之地。四十四心。至何漸次。得修行目。詣何方所。名入地中。云何名為等覺菩薩。乾慧。信前一位也。長水曰。信住。行向。及加行。名四十四心也。○前是舉其中位。下乃原始要終。故所謂漸次者。即最初乾慧之前三漸次也。當云其始也。用何漸次發足修行。其終也。詣何方所。深入地上。未二句易知窮極因位也。深研此文。當有錯簡。至何二句當在三摩地下。則始終順序。不費曲釋。今作先舉中位。而後要始終。乃將錯就錯。終不順也。試詳之。此問中所顯五十九位。以彼欲明修因。故但問因位。加妙覺。成六十位矣。

⑥三拜同衆仰

作是語已。五體投地。大衆一心。佇佛慈音。瞪瞞瞻仰。

⑦二如來對示緣起。緣起。謂染淨二緣皆依心起。衆生依本覺而起不覺。即染緣起。而遂成十二類生無邊生死。諸聖依不覺而起始覺。即淨緣起。而遂成六十聖位。無邊果海。分爲三科。⑧一如來讚許

爾時世尊讚阿難言。善哉善哉。汝等乃能普爲大衆。及諸末世一切衆生。修三摩地。求大乘者。從於凡夫。終大涅槃。懸示無上正修行路。汝今諦聽。當爲汝說。懸者。遠也。先也。懸示者。言未及深證。預先懸遠而談。所歷諸位。乃至極證寶所。亦無不委示也。無上正修者。顯此中所示。皆了義修證。非同不了義也。

⑧二大衆誠聽

阿難大衆、合掌、剌心、默然受教。

剌者、刮剔也。剌心、謂虛淨其心、絕無疑質辯難、但惟一心渴仰承聽之也。

⑨三正以說示、又二、⑩一總以略標、復分爲二科、⑪一所依真如

佛言、阿難當知、妙性圓明、離諸名相、本來無有世界衆生。

妙性卽真如、在生滅門卽本覺圓明、謂純是無上知覺、名言未彰、義相未涉、故離諸名相、凡言世界衆生、且兼依正、名相是假法、依正是實法、又首句是圓成實性、爲能離、次句是徧計執性、末句是依他起性、爲所離也。

⑫二所起生滅、依真如而有生滅、分二、⑬一略示染緣起

因妄有生、因生有滅、生滅名妄。

因妄有生者、卽依無明而展轉、遂至無情發生有情受生也。滅、卽無情之壞、而有情之死。此對待必然也。

⑭二略示淨緣起

滅妄名真、是稱如來無上菩提、及大涅槃、二轉依號。

發真歸元、則世界衆生一皆消殞、由是生滅已復真常、故曰滅妄名真、此是實果、下但稱出果名而已。約名真二字稱菩提、以菩提卽真智也。約滅妄二字稱涅槃、以涅槃卽無生滅也。然菩提轉煩惱、而涅槃



槃轉生死。故曰二轉依號也。

④二各以詳示。分爲二科。⑤一詳示染緣起。則徧成輪迴。又二。⑥一勸識顛倒。須識顛倒染果。後可

翻取淨果。此所以未談聖位而先敘輪迴之故也。又三。⑦一按定問意。

阿難。汝今欲修真三摩地。直詣如來大涅槃者。

眞三摩地。但宗耳門圓通。直詣二字。卽具含果前諸位。涅槃卽極果也。

⑧二勸先識倒。

先當識此衆生世界二顛倒因。

凡言衆生世界。則世界卽情世間。惟正非依。吳興曰。世界顛倒。蓋指正報。卽十二類生也。答阿難所入地位。位由悟入。悟必由迷。迷之爲凡。悟之爲聖。皆正報之事。非器界之謂也。○此蓋於一正報。分約因果。成二倒耳。至後自見矣。

⑨三結歸所問。

顛倒不生。斯則如來眞三摩地。

阿難原問佛三摩地中位次。今云不顛倒。卽正定。所謂位由悟入也。

⑩二徵釋二倒。又二。⑪一徵釋衆生顛倒。又分爲三。⑫一徵起。

阿難。云何名爲衆生顛倒。

⑬二正釋。分三。⑭一順流成有。順之一字。卽任運所起俱生之惑。窮源而論。雖遠依無明。雙兼二執。

而近約分段親依，仍多界內之思惑耳。成有者，蓋從本無生死中，順流而起生死之業也。分三。①一推敍從無而有。

阿難由性明心性明圓故，因明發性，性妄見生。從畢竟無，成究竟有。

溫陵曰：性明心，指真如體也。性明圓，言不守自性也。由其不守自性，故因妄明而發妄性，因妄性而生妄見。於是從無相真，成有相妄。○明圓，即能流動之意，故不守自性，乃隨緣義也。妄明即無明，妄性即業識性，妄見即二執俱生。以上並屬於惑，下之從無成有者，即業成必招果報之相。此有字，即十二因緣中有支，乃任運趣生之業也。然究竟二字，即展轉取著造作成就之意。故此有且勿作身相會之，下世界內分段二字，方是身相也。

②二曉示雖有恆無

此有所有，非因所因，住所住相，了無根本。

上有字，即能有之惑。下所有，即業也。次句總明無因，蓋明此業非真能因，此惑非真所因也。住者，相續之謂也。方生曰有，相續不斷曰住。蓋有為能住，惑為所住。末句總言二相悉皆無本，可據也。既無因無本，所以雖有恆無也。

③三判決依無妄立

本此無住，建立世界及諸衆生。

吳興曰：本此無住者，住即依也。推本至末，了無所依也。○無住，即了無根本之惑業也。此世界在衆生

之上而又加一及字。卽所兼帶之依報山河大地等也。如云此無住本不但爲衆生之本。而山河大地。及與衆生皆依之而建立也。若是生先界後。方是說情世間。舊註不達界生先後之辨。有依有正。輒分總別。不顧與上徵辭矛盾。欠研究耳。又真心亦有無住之義。如無住處涅槃。乃不滯一法之謂。非今經意也。順流成有已竟。

④二邪復成非邪之一字。卽欣厭所起分別之惑。若窮源而論。仍同上科遠依無明。及兼法執。若近約分段親依。亦多界內之見惑也。成非者。蓋因久流生死。疲厭求復。不知出要。展轉邪修也。分爲三。①一本無可復。

迷本圓明。是生虛妄。妄性無體。非有所依。

妄業不能虧曰本圓。妄惑不能蔽曰本明。此本圓明。卽不變之性體。衆生特爲迷此不變之性。故生虛妄惑業。而追窮妄性。了無實體。亦很依據。總言真不變而妄本空也。然妄旣本空。則妄無可離。真旣不變。則真無可復矣。

②二諸復皆非。旣無可離可復。則凡求復者皆非真也。又二科。①一先以況顯。又二。①一先明正復。猶非。

將欲復真。欲真已非真。真如性。

此舉內教小乘及大乘權漸順正理而復真者。尙皆非真。得於真如之性。亦以其於無可離者而強離。於無可復者而強復。故也。此可見惟圓頓人不離之離。不復之復。方爲得矣。

②二況顯邪復益非  
非真求復宛成非相。

此指一切外道不見正理種種邪修盡是非真求復也。宛成非相者言顯然墮於邪妄因果展轉支離。違遠圓通背涅槃城同後陰魔之黨矣。

③二後以詳陳

非生、非住、非心、非法、展轉發生。

此並屬惑即是見惑。下科方結爲業。至後世界方以說身卽果。故舊釋身受非是。今非生卽非因計因。謂妄計邪修爲生果之因也。非住卽非果計果。謂妄計諸無常處爲常住之果也。非心卽邪智也。總攝一切邪妄見解標樹宗旨。各各自謂明本來心也。非法卽邪境也。總攝一切邪妄修證。建立法門。各各自謂得無上法也。末句總結謂邪因邪果邪智邪境互相引發。故展轉發生。諸復皆非已竟。

④三結惑成業

生力發明熏以成業。

生力卽邪惑之力。發明卽依惑造作熏習也。蓋初熏始稱發明。熏久習定。所謂業已成矣。不可改移也。亦是熏成業種。必招邪果之隨眠也。

⑤三總明招惑

同業相感。因有感業相滅相生。

總承前二科俱生分別二種惑業、明招感互滅互生之果報也。良以衆生所以受分段生死者、必親依見思二惑造業招感、然見思互有輕重、或等分且窮其初起、必思先而見後、故經中前後歷敘之、其於俱生、惑業略而顯妄多、以任運簡易、而妄源不可不首彰也。於分別、則顯妄少而惑業詳、以邪計多端而妄源不勞於重敘也。至此科、乃雙承總明招感也。同業者、以業同必同聚也。相感者、以聚久不無順逆二事互相感動其心也。因有感業者、亦成業種之意。如以順事相感動者、則成恩愛不捨之業種。以逆事相感動者、則成冤恨不捨之業種。末句略彰隔生之酬報、以見惑業所以爲生緣也。以冤恨聚者則相滅、以恩愛聚者則相生。此亦約現業以定來果、非正談果報在下世界顛倒科中正釋已竟。

⑤三結成

由是故有衆生顛倒。

由是者、卽由此二惑二業之故也。故知衆生乃約因而說也。徵釋衆生顛倒一科已竟。

⑥二徵釋世界顛倒分三 ①一徵起

阿難、云何名爲世界顛倒。

②二正釋分二 ③一釋成世界名數又二 ④一釋成名字

是有所有、分段妄生、因此界立、非因所因、無住所住、遷流不住、因此世成。

此科釋成世界二字、前之惑業爲能有、今之正報爲所有、因果成就、由是分段生死之身從無生而妄生、約此分段根身建立有情之界、而界之名字由此而得也。又此妄生本非能因所因、本無能住所住、

自是念念遷流不住之法。因此三世相續而成。而世之名字由此而得也。

卯二釋成數量

三世四方和合相涉。變化衆生。成十二類。

身之四方卽左右前後。此約世界本數交涉。三四四三。宛轉十二。皆應數而成變化。

寅二推由六想成輪。問旣曰推由。豈不是因。答此取受生時循聲逐色而取著成輪。所謂潤生。而非潤業。故屬果不屬因也。分爲三。卯一示吸塵次第

是故世界因動有聲。因聲有色。因色有香。因香有觸。因觸有味。因味知法。

吳興曰。最後知法者。知卽意根。法卽法塵。以後例前。則有聞聲見色等義。况云六亂妄想。是知見聞覺知皆歸妄想。○夫受生雖由外塵引心。而最初先由自心發動。方乃聞聲等也。故曰因動有聲。且塵來應心。聲必先至。亦以聲最通遠。而耳又偏利。故聲居六亂之先。循聲必至。覓色。故次曰因聲見色。近色則必至。聞香。聞香則必至。覺觸。覺觸則必至。嘗味。嘗味則必至。知法。知法。謂緣想不捨也。蓋是由疏轉親。漸成逼近。取著之相。一切衆生顛倒趣生。皆由此也。

卯二明成業輪轉

六亂妄想成業性故。十二區分由此輪轉。

業者。習也。性者。不可改轉之意。所謂習以性成也。莫作業因會之。塵雖惟六。而一因一有。迭至六句。則成十二。故感十二區分輪轉。且因有二字。卽根塵故。亦合乎十二數矣。

卯三結循塵旋復

是故世間聲香味觸窮十二變、爲一旋復。

略舉四塵、仍攝十二、故曰窮十二變、旋復者、周而復始之義也。正釋一科已竟。

⑤三結成、此之結成世界文甚詳而多者、要顯染緣起而徧成之輪迴、故翻成淨緣亦有多位矣。分爲三、①一總以結成

乘此輪轉顛倒相故、是有世界卵生、胎生、濕生、化生、有色、無色、有想、無想、若非有色、若非無色、若非有想、若非無想。

乘此輪倒者、卽乘上之根塵旋復、此猶牒上潤生無明、起下文所成之界、是有下方詳所成世界、每四生各爲一聚、後八生不出色想分別、迷真成妄、色心二字盡之矣。此方列名、至下經文自釋。

②二別以詳列、二、①一別列類生、夫輪迴顛倒、和合亂想、諸類雖可通具、而各以偏勝、故有差別。又三、①一卵胎濕化四生、吳興曰、依穀而起曰卵生、含藏而出口胎生、假潤而興曰濕生、無而忽有曰化生、如是四生、由內心思業爲因、外穀胎藏濕潤爲緣、籍緣多少而成次第、卵生具四、所以先說、胎生具三、濕生具二、化生惟一、謂思業也。此依瑜伽分爲四科。③一卵生

阿難、由因世界虛妄輪迴動顛倒故、和合氣成八萬四千飛沈亂想、如是故有卵羯邏藍流轉國土、魚鳥龜蛇、其類充塞。

溫陵曰、卵惟想生、虛妄、卽想也、想體輕舉、名動顛倒、卵以氣交、名和合氣成、想多升沈、名飛沈亂想、故

感魚鳥飛沈之類也。十二類各八萬四千者，各由八萬四千煩惱感變也。羯邏藍云凝滑，入胎初位，胎卵未分之相也。○羯邏藍等在胎之位，隨取成文，非各局一也。

②二胎生

由因世界雜染輪迴欲顛倒故，和合滋成八萬四千橫豎亂想。如是故有胎遏蒲曇流轉國土，人畜龍仙，其類充塞。

溫陵曰：胎因情有雜染，卽情也。情生於愛，名欲顛倒。胎以精交，名和合滋成。情有偏正，名橫豎亂想。故感人畜橫豎之類。遏蒲曇云炮，卽胎卵漸分之相也。○偏正者，按後情想均等，生於人間，正也。情多想少，流入旁生，偏也。世教言人得五常之全，畜得五常之偏。環師意多在後說也。

③三濕生

由因世界執著輪迴趣顛倒故，和合煖成八萬四千翻覆亂想。如是故有濕相蔽尸流轉國土，含蠢蠕動，其類充塞。

溫陵曰：濕以合感，執著卽合也。合由愛滯，觸境趣附，名趣顛倒。濕以陽生，名和合煖成。所趣無定，名翻覆亂想。故感蠢蠕翻覆之類也。蔽尸云軟肉，濕生初相也。既不入胎，故無前二位矣。○濕生染香，應改聞香趣附。

④四化生

由因世界變易輪迴假顛倒故，和合觸成八萬四千新故亂想。如是故有化相羯南流轉國土，轉蛻飛行，



其類充塞。

溫陵曰。化以離應。變易。卽離也。離此託彼。名假顛倒。觸類而變。名和合觸成。轉故趣新。名新故亂想。故感報亦爾。蛻脫故趣新也。如虫爲蝶。轉行爲飛。如雀爲蛤。蛻飛爲潛。凡以不同形而相禪。皆轉蛻也。羯南云。硬肉。蛻卽成體。無輒相也。自下皆稱羯南者。諸類通稱止此。若第五鉢羅奢佉曰。成形。則各隨狀貌。非通稱也。吳興曰。無而忽有。理合在茲。天如曰。若論天獄鬼等。皆有化相。則岳師無而忽有之說。亦有理焉。宜備取之。○化生染處。名和合觸成。經云。地獄及諸天。一一皆化生。轉托業化。卽宜收盡。以天染處。地獄聞腥。故也。但速疾無難而已。是皆轉托業化。非無而忽有意生妙化也。

辰二色想有無四生。分四。巳一有色。

由因世界留礙輪迴障顛倒故。和合著成八萬四千精耀亂想。如是故有色相。羯南流轉國土。休咎精明。其類充塞。

資中曰。事日月水火。和合光明。堅執不捨。名爲留礙。障隔不通。名障顛倒。精明顯著。因此受生。故名色相。星辰日月。吉者爲休。凶者爲咎。至於燭火蚌珠。皆是此類。溫陵曰。一切精明神物。皆精耀也。其想已結成精耀。故但有色而已。涅槃云。八十神皆因留礙想元。成此精耀。此推至精至神。亦未離乎乘彼輪轉顛倒相也。

巳二無色。

由因世界銷散輪迴惑顛倒故。和合暗成八萬四千陰隱亂想。如是故有無色。羯南流轉國土。空散銷沈。

其類充塞。

溫陵曰：厭有著空，滅身歸無，名銷散輪迴。迷漏無聞，名惑顛倒。厭有歸無，則依晦昧空。故和合暗成，而名陰隱亂想。卽無色界外道類也。此有想無色，而不成業體，故亦稱羯南。又有惑業昏重，形色銷磨，體合空昧，識附陰隱，亦空散銷沈類也。○此之二類，前類卽無色界天，未止外道，亦兼凡夫聖人。聖卽鈍根那含，惟無業果色，而有定果也。更應別屬空散，謂散心卽空，無色相也。後類卽主空神，方純外道。二色俱無，更應別屬銷沈，謂惡取空昧，銷磨沈沒也。又解中謂有想無色，而又不成業體，憑何亦稱羯南。仍當云：雖無業體，不妨業繫有生，故亦稱羯南，取義而稱也。

③三有想

由因世界罔象輪迴影顛倒故，和合憶成八萬四千潛結亂想。如是故有想相羯南流轉國土，神鬼精靈，其類充塞。

溫陵曰：虛妄失真，邪著影像，無所託陰，從憶想生於罔象中，潛結狀貌，其神不明而幽爲鬼，精不全而散爲靈，無有實色，但有想相。○罔相者，似無不無之意，蓋神鬼精靈相不可見，而實暗中有相，故曰陰隱潛結。衆生邪慕靈通，逐影憶想，時或恍忽見之，久當生墮其類矣。

④四無想

由因世界愚鈍輪迴癡顛倒故，和合頑成八萬四千枯槁亂想。如是故有無想羯南流轉國土，精神化爲土木金石，其類充塞。

資中曰。外道計無情有命。金石堅牢。或習定灰凝。思專枯槁。心隨境變。遇物成形。如華表生精。黃頭化石之類是也。溫陵曰。不了諦理。固守愚癡。癡鈍之極。則頑冥無知。而精神化爲土木金石也。

④三有無俱非四生。此之四生妄之甚。誠如溫陵所謂迷情愈妄。化理轉乖也。分四。①一非有色。由因世界相待輪迴。僞顛倒故。和合染成八萬四千因依亂想。如是故有非有色相成色。羯南流轉國土。諸水母等。以鰕爲目。其類充塞。

溫陵曰。水母之類。以水沫爲體。以鰕爲目。本非有色。待物成色。不能自用。待物有用。迷失天真。絲著浮僞。彼此異質。染緣相合。故曰因依。資中曰。和合巧僞。屈己從他。或假託因依。遞爲形勢。資身養命。業果相循。不從自類受身。故名非有色相等。有情身內八萬戶蟲。並是此類。○此生若約水母。亦有身形。體如豆粉。狀類裊褥。人取食之。故不屬無色。特以待他形用。不能自全色力。而言非有色也。資中取類戶蟲亦似矣。

⑤二非無色

由因世界相引輪迴。性顛倒故。和合呪成八萬四千呼召亂想。由是故有非無色相無色。羯南流轉國土。呪詛厭生。其類充塞。

溫陵曰。邪業相引。使性情顛倒。而乘呪託識。不由生理。妄隨呼召。卽世間邪術呪詛。精魅厭物。因而有生者也。○資中引蝦蟆以聲附卵。收類似寬。不切呪詛。現見世間有呪樟柳木人。令其說報吉凶。故溫陵之解爲是。此若推論因果。必是生生好爲呪詛。害物傷生。因果相酬。等流相似。故受此生也。

③三非有想

由因世界合妄輪迴罔顛倒故。和合異成八萬四千迴互亂想。如是故有非有想相成想羯南流轉國土。彼蒲盧等異質相成。其類充塞。

溫陵曰。二妄相合。性情罔昧。異質相成。生理迴互。如彼蒲盧。本爲桑蟲。非有蜂想而成蜂想。吳興曰。以異質故。非有想相。以相成故。成想羯南。○資中有解。因果似倒。此必因中好爲誣罔。取他納爲己有。故果中亦被他物取爲己有。

④四非無想

由因世界怨害輪迴殺顛倒故。和合怪成八萬四千食父母想。如是故有非無想相無想羯南流轉國土。如土梟等。附塊爲兒。及破鏡鳥。以毒樹果抱爲其子。子成。父母皆遭其食。其類充塞。

若推論此生。原爲懷冤圖報而來。故曰非無想也。而輪迴顛倒皆以冤殺爲名。且以父母生養。至恩至愛。而被吞食之苦。以子蒙至恩至愛。而返逆吞食。若有映於雪恨者。此誠不忍聞見而怪之甚也。故曰怪成食父母想。此若推論因果。必是蒙人至恩至愛。而反以負恩讐害。世間現見此事亦甚多也。而彼冤對來酬此恨。故成斯生。舊註獨此生推原不甚明爽。故別解之。孤山曰。土梟破鏡。按史記孝武本紀云。祠黃帝用一梟鏡。孟康曰。梟。鳥名也。食母。破鏡。獸名也。食父。黃帝欲絕其類。使百祠皆用之。破鏡如羆而虎眼。今云鳥者。恐譯人誤。或鳥字合是等字。後人妄改耳。別列類生已竟。

⑤二勤成名數

是名衆生十二種類。  
別以詳列已竟。





大佛頂首楞嚴經正脈疏卷三十一 經文卷八之一

⑤三申結互妄。又二。⑥一正申互具喻明。

阿難。如是衆生一一類中。亦各各具十二顛倒。猶如捏目。亂華發生。孤山曰。各具卽互具也。以一一類心。妄種皆具。一則現起。名事造。餘則冥伏。名理具。○捏華。喻其虛妄也。亂發。喻其互具也。

⑦二推結倒真成妄。

顛倒妙圓真淨明心。具足如斯虛妄亂想。

上喻虛妄。此推卽真。但由顛倒本真。故卽具足衆妄也。具足者。言總括種現互具。當成一百四十四生。是雖生死無邊。畢竟顛倒非實。而淨明真體固自若也。翻染成淨。而進階聖位。復何難哉。此固對示二緣起之本意也。詳示染緣起則徧成輪迴已竟。

⑧二詳示淨緣起則歷成諸位。以真如有不變之體。故能隨緣不定。前旣隨染緣而徧成衆生。今豈不隨淨緣而徧成聖位乎。分四。①一正答因果諸位。此之因果。有縱有奪。若縱之。則前前皆爲後後之因。後後俱爲前前之果。若奪之。則惟佛爲果。而等覺以前皆因也。故知舊註於此判證而不言修。非爲確論矣。問。約奪則因有諸位。果惟一。何以通言因果諸位乎。答。圓融果相。從初發心卽自具足。何妨說諸。但有性具修成之別而已。分爲十科。②一漸次三位。前問至何漸次得修行目。斯言修

習等、正修行目也。此中應知乾慧以前三漸次位，則圓家五品十信盡攝於中。乾慧以後所立十信，乃是初住開出十心。經文顯然，蓋圓家住前不取證，故不列位。所以此經與華嚴皆於信位不分十也。至文再指分二。⑤一教立位翻染，又分二。⑥一法說。

汝今修證佛三摩地，於是本因元所亂想，立三漸次，方得除滅。

觀此立位之初，便以修證平言，豈可分判前爲修而此爲證乎。三摩地，卽經耳門三昧。舊註不達經文一貫，此處全不知是重敍圓通，以爲諸位最初方便，往往別判，致令經文脈絡永不通也。本因亂想卽前飛沈等各八萬四千也。三漸除滅，卽教其翻染成淨也。

⑦二喻說

如淨器中，除去毒蜜，以諸湯水并雜灰香洗滌其器，後貯甘露。

旣貯毒蜜，何言淨器。蓋須取於本來元淨，而又毒所不能染者，如金玉之器是也。用比根中不生滅性本來元淨，而又具不變之體也。毒蜜喻五辛婬殺等湯灰，喻忘塵盡根。甘露喻所安立聖位也。三漸次法喻可了。

⑧二示所立之位，又二。⑨一徵起列名

云何名爲三種漸次。一者修習，除其助因。二者真修，剷其正性。三者增進，違其現業。

首二句徵起。一者下六句列名，每各二句，皆上句明修，下句明斷。修指研真，謂入三摩地，漸取耳根圓通也。斷指斷妄，謂除五辛、戒四重及消十二處也。今初第一修習者，初於聞中入流亡所時也。蓋始以



習學收拾循聲散心。數數反聞自性。而有間斷。未成一片。故曰修習位也。如其不然。則斷除五辛。言除足矣。而說修習者。修習何事耶。下二做此。除其助因者。寄此位以明五辛之當斷。蓋五辛非惟但助姪。恚展轉力能引魔。則何惡不至。實乃四重之助因也。故應於此初修。即首除之。第二真修者。即所入既寂。動靜不生時也。蓋忘動功夫。入手已成一片。乃至靜塵亦將漸忘。故曰真修。蓋自來持戒不足以當真修之名。而真三摩地始克當耳。列其正性者。寄此位刮剔淨絕四種根本重罪。乃諸惡之正性。故應此位列之。良以帶四心而修禪。皆似而非真。必落魔鬼等道故也。第三增進者。即如是漸增。聞所聞盡時也。此與前之圓通增修字同。愈無可疑。且前漸次修斷異體。而猶未顯明。此則修斷一相。更何疑異哉。良以此中所修者。固聞性。而所斷者。即根塵故。違其現業者。以流根奔塵。即名現業。忘塵盡根。即名為違門。此中方以忘塵盡根。前二位何以遽說忘塵返聞耶。答前二位漸以修學。此位收功。根塵圓泯。非前漸習。豈能遽至是哉。

⑤二條分別釋。就分三。⑥一除其助因。又爲三。⑦一徵起。

云何助因。

此惟徵助因而。不徵修習者。以修習在前圓通中說明。而列名處。但表當此位以除助因而已。故至此止。惟徵釋助因。不復重徵修習。亦如道場中。惟詳說戒之例也。下做此。

⑧二詳釋。又三。⑨一標依食住。

阿難。如是世界十二類生。不能自全。依四食住。所謂段食、觸食、思食、識食。是故佛說一切衆生皆依食住。

既言十二類生，卽局界內，不能自全者，不能如法性身人無庸於食也。然標必依食住者，見界內衆生身命慧命安危所係，修習者不可不知所檢擇而戒斷也。溫陵曰：四食者，人間段食，謂所餐必有分段，鬼神觸食，但歆觸而飽，禪天思食，食至或但思之而飽，識天識食，既無形色，但以識想。○歆觸，謂但觸其氣也。禪天無飲食法，宜但取於思之而飽，仍恐但以禪悅爲思，非思食物，識想何異思食，殆是惟以識定續命，義言以識爲食，此約勝者而言，劣如地獄餓鬼，歷劫但以業識不能斷命，是亦識食思食類也。俟更考之。

④二教斷辛毒

阿難，一切衆生食甘放生，食毒故死，是諸衆生求三摩地，當斷世間五種辛菜。

無毒曰甘，非局甜味也。首三句，舉身命定危係於食之甘毒，引明慧命所係，尤宜慎擇也。求三摩地，足見當於修習圓通時也。五種辛菜，正危慧命之大毒，故應絕之。孤山曰：五辛者，楞伽經云：蔥蒜韭薤興渠也。應法師云：興渠，梵音訛也。正云興宜，慈愍三藏云：根如蘿蔔，出土辛臭。慈愍冬至彼土，不見其苗，則此方無故不翻也。

⑤三深明其過，又四⑥一發姪增恚過

是五種辛，熟食發姪，生噉增恚。

熟食必壯相火，故發姪，生噉必動肝氣，故增恚。佛智所鑑，不爽毫釐，物性必然，宜敬信而戒之。

⑦二天遠鬼近過

如是世界食辛之人。縱能宣說十二部經。十方天仙嫌其臭穢。咸皆遠離。諸餓鬼等。因彼食次。舐其唇吻。常與鬼住。福德日消。長無利益。

今以世人具齋戒者。尚於食辛之人多畏避之。何況天仙。餓鬼歆於不淨。故常親近。天遠故福日消。鬼近故長無利益。嘗見天時疫癘。世人咸謂辛能避瘟。由經觀之。斯蓋招瘟之端。而世人業力所使。顛倒滋禍如此。不可不知所警也。

③三無護遭魔過

是食辛人修三摩地。菩薩天仙十方善神不來守護。大力魔王得其方便。現作佛身來為說法。非毀禁戒。讚姪怒癡。

上天仙不聽經。此聖善不護定。上招餓鬼。此引魔王。見過轉深也。非禁戒繫縛為小乘。讚三毒無礙為大道。則四重等無惡不造。是誠助諸惡之因。痛宜戒之。

④四成魔墮獄過

命終自為魔王眷屬。受魔福盡。墮無間獄。

上皆現在惡因。此屬當來苦果。是則世人緣一臭惡之味。引致阿鼻極苦。有何難捨。而不勇斷之哉。

⑤三結成

阿難。修菩提者永斷五辛。是則名為第一增進修行漸次。

觀此首標修菩提者而後言斷辛。足見第一漸次必兼修習圓通。若徒斷五辛。何以遽謂之增進修行。

乎。而又何以目爲修菩提乎。

④二列其正性。正性。謂姪殺盜妄等。上之五辛。但能助發於此而已。今此正彼本惡之體也。分爲三。  
⑤一徵起

云何正性。

⑥二詳釋。又二。⑦一教令持戒。又三。⑧一首示定因戒生

阿難。如是衆生入三摩地。要先嚴持清淨戒律。

反聞功夫入手。方爲入三摩地。所謂真修之位。見其深於前文修習言求也。然要先云者。承前位功夫間斷不能入手。故示特加嚴戒。而後能功夫入手得三摩地。所謂因戒生定也。

⑨二次示先斷姪殺。又三。⑩一正教永斷

永斷姪心。不餐酒肉。以火淨食。無噉生氣。

姪殺爲諸惡上首。故令先斷而後可從諸律。姪須從心止絕。不飲酒。預遮昏亂毀犯。不餐肉。卽是斷殺。六卷四重律中。皆以食肉屬於殺生。以火淨食。又戒殺之至也。凡生鮮之物。不經火者。皆不敢食。示無情生長者。尙不忍損。况有情生活者。豈忍殺害乎。問至此方斷。豈前位猶許食酒肉乎。答此爲根利而自來未秉齋戒者。故作如是漸斷耳。若先具齋戒者。不在此例。又西天權小未斷者多。故令迴心漸斷。此方純秉大乘。凡修行者無不先斷。故無修後斷也。

⑪二反言決定

阿難。是修行人若不斷姪。及與殺生。出三界者。無有是處。相生相殺未已故也。

⑤三特教觀姪

當觀姪欲猶如毒蛇。如見怨賊。

姪爲生殺之深源。且根心慣習。最難頓捨。故偏令觀之。溫陵曰。姪如毒蛇怨賊者。能害法身殺慧命故也。

⑥三後教漸進戒品

先持聲聞四棄八棄。執身不動。後行菩薩清淨律儀。執心不起。

此處方全該四重四棄。卽姪殺盜妄。而尼加觸入覆隨。亦多防姪也。執身謂禁七支。猶麤。下進菩薩律儀。方細。準前道場中說菩薩亦但於四重律從心止絕。一念不生爲細。非三千八萬也。

⑦二戒成利益分二科 ⑧一生死解脫 又二 ⑨一斷姪殺所脫

禁戒成就。則於世間永無相生相殺之業。

斷姪則不相生。斷殺則不相殺。蓋無生殺業因。則無生殺果報也。

⑩二斷偷劫所脫

偷劫不行。無相負累。亦於世間不還宿債。

偷謂竊取。劫謂強取。無負累者。無負債之業累也。據經文似惟說盜。吳興補大妄語。及判觀行。似有理。

據其略曰。不妄故不還宿債。以大妄語。貪其供養。故約位言之。此應在圓家觀行之中。卽別十信而小七賢也。

④二業報清淨

是清淨人。修三摩地。父母肉身。不須天眼。自然觀見十方世界。覩佛聞法。親奉聖旨。得大神通。遊十方界。宿命清淨。得無艱險。

清淨人。躡前持戒。三摩提。次表大定。然定是正行。戒但助行耳。肉眼觀見十方。卽色陰盡相。後文云。十方洞開。無復幽暗。是也。按位當在初信。齊小初果。舊判觀行。於後違經。至陰魔中詳辨。今並別判。勿泥舊聞。次四句。受陰盡相。後文云。去住自由。無復留礙。又云。得意生身。隨往無礙。今言覩佛聞法。又言親奉。則須親到。非遙見聞。而下更言得通游界。則愈與後文合也。按位當在二三兩信。齊小二果。末二句。想陰盡相。後文云。於覺明心。如去塵垢。一倫生死。首尾圓照。今言宿命清淨。則明是去塵垢而照生死也。又言得無艱險者。旣以徹通宿命。除己願力。永不誤入惡趣。所謂離諸生死險難惡道也。按位當在四五兩信。對小三果。此之業報。略假戒爲助行。全本耳門妙定。修發通該十信前五。備顯六根清淨。觀見十方。則眼根清淨。聞法親奉。則耳根清淨。得通游界。則鼻舌身根清淨。以三皆合知。相依遠到也。宿命無艱。則意根清淨。

⑤三結成

是則名爲第二增進修行漸次。

此中前半以諸戒助成正定，即觀行位。後半業報，即齊五信，并小三果。在圓通中方至動靜不生。云何現業。

③三違其現業，分三。④一徵起。

阿難如是清淨持禁戒，人心無貪婬，於外六塵不多流逸。

⑤二詳釋，分爲三科。⑥一根塵雙泯，又爲二。⑦一牒前持戒離塵。

前文屢牒三摩地，而此不牒者，以前初心全假戒扶，則戒相顯著而定相隱微，恐人忘定，故屢牒之。此中全彰旋於妙定，故不勞牒定，但惟牒戒爲後定因，以見因戒生定之妙旨也。故首舉清淨持戒之人，即牒前半所持諸戒，而特申無貪婬者，固因其爲四重之首，壞定之魁，以警人必除之意。然亦自此句下，正牒後半果報中五信三果諸人，以印許其力量所至也。蓋五信三果，則欲界九品思惑以盡，豈留婬心，故許其心必無貪婬也。仍是忘塵極功，故復許其六塵不多流逸，然許其不多，而不許其絕無者，以根未盡而相待仍存，故但以無漏而熏有漏，從多漸少而已，非全無漏，故不全許耳。全分無漏在下科中。

⑧二進獲塵忘根盡。

因不流逸，旋元自歸，塵既不緣，根無所偶，返流全一，六用不行。

首句躡上忘塵功夫也。蓋心無貪婬，猶是戒相，而塵不流逸，即顯定成，但淺而非深。今復躡之以進銷根性，故深於前，即圓通漸增位也。應是六信，次下表彰反聞契性也。中二句正明因忘塵而必至盡根。

以根全倚塵而立故也。末二句結成入一忘六。所謂但得六銷，猶未忘一。小乘涅槃正當此際。準圓通，卽聞所聞盡時也。按位當在第七信位，齊小之四果。

⑤二妙性圓彰。此中三子科，卽應是圓通中覺空滅之三結。而前二科語不相類者，以菩薩所談是解結功夫。此中表彰，卽彼坊夫所證境界。惟第三科語意全同，足驗前二亦不謬矣。分三。⑥一依報明淨。

十方國土皎然清淨。譬如瑠璃，內懸明月。

此卽盡聞不住所證境界。首二句，卽山河大地應念化爲無上知覺。正由不住內自覺境，法執蕩然。故融及世界，無復情器之分。皎然洞開之貌。下喻但表明徹。蓋明月在有礙物中不能透徹，便如二乘但明內境，不與外法融通也。今菩薩覺所覺空，表裏洞徹。故如月在瑠璃，豈有不透徹者乎。此當八信相似色自在也。

⑦二正報妙圓

身心快然，妙圓平等，獲大安隱。

此卽空覺極圓所證境界。前方空智，此復空空。既不爲智所勞，亦不爲空所縛。故身心快然，極爲脫灑。蓋是法身蕩然真心廓爾之意。妙圓者，無縛故妙，無礙故圓。平等有三：一身量、心量俱周法界，二有情無情同體不分，三自心生佛，胎無高下。此當九信相似心自在也。以身心一如，身亦心也。

⑧三諸佛理現



一切如來密圓淨妙，皆現其中。

此則顯然全同寂滅現前，但彼約自心，此約佛理。二義平等也。密謂祕密，深固幽遠，無人能到之境也。圓謂圓融，交徹互攝，重重無盡之境也。淨謂清淨，明相精純，纖塵不立之境也。妙謂神妙，一切變現，皆不爲礙之境也。此四佛境現菩薩依正之中，此當十信相似慈雲覆涅槃海也。蓋圓頓理融，故令似位全似地上耳。

④三許速證位

是人卽獲無生法忍，從是漸修，隨所發行，安立聖位。

此之結尾，是預許後之諸位，故言從是漸修，卽者，速也。卽獲者，猶言不久當證也。無生法忍，卽初住所證聖位，通指徹於等覺也。溫陵曰：華嚴十忍，第三曰無生法忍，謂不見有少法生，不見有少法滅，離諸情垢，無作無願，安住是道，名之曰忍。吳興曰：此中別指初住以上名爲聖位。若下文云，以三增進故，能成五十五位真菩提路。

⑤三結成

是則名爲第三增進修行漸次。

漸次三位已竟

⑥二乾慧一位。此位分明束前漸次中所含十信總成一，而孤山說合十信爲乾慧理在不疑。但亦有圓滿成就之意。舊註非之者，祇因彼見通教乾慧名同，務欲同之，不知此名若同通教，餘名當同。

別教。今餘位既皆借別名圓。此位亦應借通名圓。何得名實皆同於通教乎。當知通教乾慧在於信前。但對五品。此圓乾慧乃在信後。圓收十信。豈惟於文爲順。而實於理大通也。分三。⑤一不受後有阿難。是善男子欲愛乾枯。根境不偶。現前殘質不復續生。

此科束前七信而顯其圓滿成就也。由前心無貪婬。故至此而欲愛乾枯。蓋前位但得身心俱斷。此則復將斷性亦無。故曰乾枯。是欲界生緣迴不相及也。由前六用不行。故至此而根境不偶。蓋前位但得六塵初泯。此則復至心境絕待。故曰不偶。蓋根塵雙絕。種現俱銷。是三界生緣迴不相及也。末二句正明不受後有也。現前殘質。果縛僅存也。不復續生。子縛永絕也。蓋續生以根境爲因。欲愛爲緣。乾枯不偶。則因緣雙絕。果報無托。不受後有復何疑哉。此顯實分段身已盡。無界內繫縛也。問。菩薩不取涅槃。何言不受後有。答。此言不受業縛之後有。非如羅漢并無悲願自在之妙身也。問。此與前永無相生相殺等何異。答。大不同也。彼但且免生殺酬償惡報而已。善淨生緣尙未絕也。觀下淨報猶云父母肉身。蓋可驗矣。此則二十五有無復生緣。無復業牽之身。但隨悲願自在去住自在受生而已。舊註強以抑同五品。故不得不以彼而濫此耳。况在根境不偶之後。顯是七信。願乃執言名義雖同。麤細有異。豈有名義全同而猶分麤細者乎。甚非的確之論也。

⑤二定名乾慧

執心虛明。純是智慧。慧性明圓。罄十方界。乾有其慧。名乾慧地。此科束後三信而顯其圓滿成就也。執心。岳師謂卽人法二執之心是也。若爾。豈合在十信前耶。由前

身心快然等。故至此則二執惑盡，雙空智純也。由前國土皎然等。故至此則慧體圓明，而照用徧界也。由前佛理全現。故至此則成就慧身，不由他悟也。末二句遂以結成乾慧之名。釋義在下科中。

⑤三出其所以

欲習初乾，未與如來法流水接。

現種習三，習氣最細。今言欲習初乾者，謂欲愛最細，習氣即斷性也。初得乾枯也，而未得如來真如法流之水以潤之。故曰乾有其慧也。入初住分真，則與真如法流水接矣。又說結名元承多義，而釋義單約欲言，似偏缺也。或可欲作欲愛，習作二執習氣。乾即盡也。詳之此位分明相似等覺金剛心中初乾慧地，而名亦相同，益可見也。通論三漸次位，第一位，名字位中初向觀行，第二位，合五品及前五信，第三位，後五信耳。然此信等諸位皆依天台圓位，非取別教。又經文但分三漸，本不曾分信等。今因有了簡，故須指明。一者顯後非信，以經文於此位後別有十信，名借常途，義開初住，卻將常途十信暗含三漸次中。若不分明釋出，鮮有不將後信濫於常途如舊註所云也。二者顯牒圓通，此三漸位，但是重束圓通助正始末，以爲後位初心方便。然圓通歷證三空，實居十信。若不此處指明，人見經文後有十信，將屈圓通墮於觀行，因茲所以一一指明也。舊註錯亂，惟孤山說乾慧合十信爲是。然亦不說三漸中已含十信，乾慧合之前別後總成四位耳。乾慧一位已竟。

⑥三信位十位。此中論名，全與常途信名不差一字。論義，則與常途信義迥不相同。况後初住明言發此十心，又云十用涉入，圓成一心，故孤山說爲初住開出理無可疑。且於中六位皆標住字，更是

可憑。舊註非之，不當。其引金剛十八住，而云何必住位方受住名，卽應五十五位通名爲住。何獨於住前十位特特以加之乎？其爲住位開出愈無疑矣。故今立科名從十信，而義惟遵經銷歸初住耳。就分十。⑤一信心。

卽以此心中中流入，圓妙開敷。從真妙圓，重發真妙。妙信常住，一切妄想滅盡無餘。中道純真，名信心住。此心者，躡前乾慧心中中流入者。按修圓通初心，雖直觀聞性不著空有，是亦絕待靈心之中道。而麤垢先落，人法雙消，未免任運趨於圓明之空性，非中道純真也。至此位俱空不生，前之中道於斯益純。故曰中中流入，蓋言中而復中，順法流水而深入也。六根互用曰圓，情器雙超曰妙。開敷者，如花始開也。次二句，明乘此心開益增進也。從真妙圓者，言此非同前位似妙似圓，乃真妙真圓也。重發真妙者，略一圓字耳。蓋使真妙者益進於妙，真圓者益進於圓，應是根塵互周，身土重重漸廣，如花正開也。妙信者，親見心佛衆生三無差別，非同比量之信。常住者，堅固不動，非同前位輕若鴻毛也。妄想滅盡者，固是我想法想及非法想俱時蕩盡，亦是聖凡見息，因果情忘耳。末二句總攝前意，結成信心。蓋純中道，非同前位兼帶趨空也。親見此理，深忍樂欲，故名信心。乃成就之相住，卽常住不退也。後皆倣此。此卽五根中之信根。又此位旣攝前乾慧所成，而乾慧合前三漸所含十信，故知此位乃究竟前之十信而抵於成就，所以獨標信住。若作常途十信初心，豈能當此圓妙常住無餘等義乎。

⑥二念心

真信明了一切圓通，陰處界三不能爲礙。如是乃至過去未來無數劫中，捨身受身一切習氣皆現在前。

是善男子皆能憶念得無遺忘。名念心住。

初二句全躡前位。真表非似明了。由親見也。圓通卽前圓妙。以根根塵塵無不交徹。故稱一切圓通。下文方成本位念心。由前一切圓通。故陰不覆處。不局界不隔也。因此遂能遠憶過未。至無數劫。習氣者。業力所熏。隨眠種習也。按惟識不出三種。謂名言我執有支也。今言捨受。多是有支。卽異熟識也。然一切之言亦兼餘二。又在我執位中。卽是種子。若在法執位中。乃種子所遺微細習影。如畢凌之慢身子之瞋是也。今過去多我位麤者。未來多法位細者。且捨受與習氣二事。若未來習氣已盡。而獨憶捨受。若悲願習氣出三種外。亦盡未來。問。入住菩薩何有捨受之事。答。圓頓人不取變易。常於分段得大自在。故也。此屬宿命漏盡二通。五根中念根。故結念住。常途二信。圓通尙遠。今斯位卽云一切圓通。豈是常途。在住位無疑矣。又前位是深信本有佛性。此位是憶念近習種性。此二位所以別也。

### ⑤三精進心

妙圓純真。真精發化。無始習氣通一精明。惟以精明進趣真淨。名精進心。

首四句躡前二位以成就一精字。初二句躡信心。初句正躡。解在本位。次句明其積久而能化也。真精者。言妙圓純真之觀力漸久精明也。發化者。觀智強而能起鎔妄之力用也。蓋由精故化。至化益精耳。次二句躡念心。上句正躡。解在本位。下句明其并前習影鎔盡無餘。而皆成智慧也。故曰通一精明。蓋前位本有近習。未融爲一。至此盡鎔爲一精明智體矣。次二句躡前精字。加以進字。而雙以成就精進二義。蓋精明卽菩提體。亦如如智體。真淨卽涅槃體。亦如如理體。今言以精明而進趣真淨。蓋純以如

如智契如如理矣。問。理智一如。何言進趣。答。體雖無二。而方便隨順。不無趣相。所謂不趣之趣。性不礙修之旨也。末句結名精進。五根中進根也。

④四慧心

心精現前。純以智慧。名慧心住。

溫陵曰。妄習既盡。故心精現前。○前位雙兼智理而成。此位別約智成。上位方言轉惑習而成智慧。此惑破故。真心顯現。心現故。菩提之體無復妄雜矣。末句結名。

⑤五定心

執持智明。周徧寂湛。寂妙常凝。名定心住。

此位別約理成。以寂照分屬。寂定屬理。故耳。首句躡前位也。前位以見心朗徹。故智慧純明。而此智明。若無定力以執持之。則妄念起而徧局不徧。正念失而間斷不常。所謂無寂之照。如風中之燈矣。故第二句明徧寂。第三句明常寂。皆大定之相也。末句結名。五根之中定根也。以上屬五根。如果木之種。初插根於地也。

⑥六不退心

定光發明。明性深入。惟進無退。名不退心。

自此以下屬五力。如果木結根既久。有不可拔之力用也。此科進力也。首二句復雙躡定慧。蓋定慧徧枯。多遭退失。首句定以發慧。心不動而理畢現也。次句慧以入定。鑑既徹而定愈深也。定慧互資。交發

無盡，故有進無退。末句結名。

⑤七護法心

心進安然，保持不失。十方如來氣分交接，名護法心。

此定力也。首句躡前進力而言，心進者，明非麤行事相可見者，乃自心寂照雙流之精進也。而又安然者，申前位雖云不退，而勤勇無間，尚覺涉於功夫。此不覺用力，故曰安然。保持同前執持，顯屬定門。蓋進安已成定力，故恆保持無所漏落。如來氣分即法身氣分，不出妙覺真精。此亦由定境冥周，故能與諸佛心精通。末句結名，護法者有二義。若約保持為護，則是內護心法。若約定力伏魔，亦能外護佛之法輪也。

⑥八迴向心

覺明保持，能以妙力回佛慈光，向佛安住，猶如雙鏡，光明相對，其中妙影，重重相入，名迴向心。

此慧力也。首句躡前定力所持覺體，妙力即慧力也。次二句，蓋言前位如來氣分初接，已即蒙佛慈光攝受，而尚有自他之分。此則久與融一，他佛慈光即已心佛慈光，然不妨自他歷然，故復迴此慈光，仍向他佛智境，朗然安住，而亦實無二體。然約不妨歷然，故如二鏡相寫，傳耀無盡。蓋惟兩鏡對照，影中含影，即已重重，不必多鏡。故惟喻自他二佛，而諸佛在於言外可知，亦不必加。末句結名，回向亦有二義。若向他佛，是向佛道。若向自佛，是向真如。前位二義，與此位二義，皆以前一義為正，而後乃餘義，亦所必有也。

⑤九戒心

心光密迴。獲佛常凝。無上妙淨。安住無爲。得無遺失。名戒心住。

此信力也。首句躡前位明自心與佛光脗合。得佛不動之體。次二句明得理。次二句明不動。常凝卽佛大定。屬心無上妙淨。卽大寂滅海。屬境得佛此理。心境恆一如也。安住無爲者。遠離有爲功用。住持無功用道。無遺失者。毫髮不漏。落於有爲之境。總是不動之意。末句結名戒心者。以不犯遺失之過。故名爲戒。然此以一念有爲卽名破戒。可謂甚深戒乎。又奉戒依於篤信。故五力中屬信力。

⑥十願心

住戒自在。能遊十方。所去隨願。名願心住。

此念力也。首句躡前戒心。而言自在者。以前位尙局不動之體。至此漸發自在之用也。中二句卽隨願往生淨土。無所留難。乃得大自在之意耳。結名願心。屬念力者。願卽心念。而生淨土者。全憑想念故也。前位住佛法身。此位參佛色身。又通論十心。前六修自心。後四合佛德矣。信位十位已竟。

⑦四住位十位。住有二意。一者堅固常住。意對前漸次中所含諸信。雖不同別教輕如鴻毛。然亦未同斯位。行念皆不退也。二者生住佛家意。以今現文全顯生法王家也。亦是安住華屋。非同三摩提三漸次中方得入門。故大科名令住圓定。實自斯位始矣。就分爲十。⑧一發心住。

阿難。是善男子。以真方便發此十心。心精發輝。十用涉入。圓成一心。名發心住。以真下二句。總躡前十位之言也。真卽真如心也。蓋真如心中本來具足十心妙用。不以方便發之。終



不顯現。故今卽依本真如心，方便發起十種妙心。然謂之真方便者，亦顯非比常途十信相似方便而已。次句心精發輝者，卽十種心光顯現也。十用涉入圓成一心者，蓋初從一心而發十用，後攝十用圓成一心，則十心一心安有二體。且斯位元因發此十心名發心住，則知離前十心無此住體。又知此位合十爲一，便知前位開一爲十，何言非開出乎。此當卽如中陰攬先業而初成陰體也。

⑤二治地住

心中發明如淨瑠璃，內現精金。以前妙心履以成地，名治地住。

初句躡前所發之心，而言心中發明者，蓋心爲能發明之智，理爲所發明之境。下瑠璃喻智，精金喻理。而言以前妙心者，卽以前十用所成初住之心。履以成地者，智契於理，令理精明，結名治地住也。此如中陰乘彼業力結爲境界，於中妄成依止處也。

⑥三修行住

心地涉知俱得明了，遊履十方，得無留礙，名修行住。

首句躡前心地，而言涉知者，蓋心與地互相涉知也。以心卽智，亦卽始覺。地卽理，亦卽本覺。同一覺體，故曰俱得明了。遊履無礙者，以見之明而行之到也。此如中陰見遠如在目前，所去速疾，山壁不礙也。末句結名。

⑦四生貴住

行與佛同，受佛氣分，如中陰身，自求父母，陰信冥通，入如來種，名生貴住。

首句躡前修行也。言與佛同者。以依理起行。行不越理。本始同一正覺故也。此如中陰。與父母業同。故相會合矣。孤山曰。分真智與究竟智等。名行與佛同。分證理與究竟理等。名受佛氣分。如中陰下以喻明之。究竟權智如父。實智如母。任運相合。名自求父母。密齊果德。如陰信冥通。斯卽乘佛遺體。初託聖胎也。

⑤五具足住

既遊道胎。親奉覺膺。如胎已成。人相不缺。名方便具足住。

首句躡前入胎。而言遊者。如永嘉云。潛幽靈於法界。又云。常獨行。常獨步。達者同遊涅槃路。此正遊道胎時節也。如有福中陰處。母胎見華林殿堂。親奉覺膺者。謂攬佛權實二智。凝結聖胎也。如中陰攬父母赤白二陰而結凝滑等也。形成不缺者。謂見聞等圓通妙用具足。一切方便善巧。克肖於佛。無所乏少。如中陰六根成就。克肖父母也。末句結名。華嚴釋名。言此菩薩多諸方便善巧也。

⑥六正心住

容貌如佛。心相亦同。名正心住。

孤山曰。容貌喻應用心相喻理智。○首句躡前外貌同佛。而加以內心亦同。以成此正心之位。然圓師所謂理智。固指真中二理。權實二智。而法界無障礙之理智亦應分同。

⑦不退住

身心合成。日益增長。名不退住。

首句躡前外貌內心而言合成者。謂表裏如一。成佛身心也。日益增長。謂深以擴充。漸成熟也。末句結名。前第六信定慧不退。此相性不退也。

⑤八童眞住

十身靈相。一時具足。名童眞住。

雙躡前外身內心增長。至此皆已具足。以十身中除菩提法智屬於內心。餘皆屬於外身故也。溫陵曰。十身者。菩提身。願身。化身。力身。莊嚴身。威勢身。意生身。福身。法身。智身也。資中曰。十身靈相。卽盧舍那也。聲聞身。緣覺身。菩薩身。如來身。法身。智身。國土身。業報身。衆生身。虛空身。則師云。溫陵所解菩提身等。卽是資中所解如來身中之所開出者也。

⑥九王子住

形成出胎。親爲佛子。名法王子住。

形成二字躡前十身具足也。而言出胎者。以前位十身初成。未大顯著。至此赫奕熾盛。故說出胎。親爲佛子者。按華嚴。此位菩薩習學法王十種親密之事。自善巧以至讚歎。故云爾也。末句結名。是知凡稱法王子者。皆須九住後也。

⑦十灌頂住

表以成人。如國大王以諸國事分委太子。被刹利王世子長成。陳列灌頂。名灌頂住。首句躡前出胎之後。又以長成也。孤山曰。表以成人。堪行佛事也。太子世子。異其文耳。春秋曰。會太子

於首止禮云、文王世子、皆天子之子也。陳列灌頂者、華嚴云、轉輪聖王所生太子、母是正后、身相具足、坐白象寶妙金之座、張大網縵、奏諸音樂、取四大海水置金瓶內、王執此瓶灌太子頂、是時即名受王職位、菩薩受職亦復如是。諸佛智水灌其頂、故名為受大智職菩薩。彼第十法雲地名灌頂菩薩、今此十住亦分得也。然圓教分真以來、悉有應用。論智力不無優劣、故初住百佛世界現十界相利祐衆生、位位豎入、倍倍增勝。經中所明、各就一義。若論一位具諸位功德、則十義俱徧。十住既爾、下去皆然。○約位至此、統界實多。華嚴此位、世界衆生皆稱無數、而斯經文如分委之喻、似亦可分統藏海之刹種也。其所謂智水灌頂者、按華嚴、此位菩薩其已成就、及當習學、共二十種智、故云爾也。又若對權教、此齊十地、而彼妙覺密齊二行、於四禪天、諸佛智光悉灌其頂、今此位鄰近、而加以圓人智強、故即灌頂矣。溫陵曰、自發心至生貴、名入聖胎、自方便具足至童真、名長養聖胎。至王子住名出胎。○至此乃名灌頂王子、再通上喻之。十信前六心、如人同心初造善業、後四心、如人加以念佛造往生淨業、初住、如以一生十種善淨之業、圓成報終往生之中陰。二三住、如往生陰、無繫縛也。四住、如中陰求佛接引入蓮胎也。五住至八住、如華中長養也。九住、如華開見佛。十住、如親蒙授記也。以喻詳法、歷然可見。住位十位已竟。

⑤五行位十位。前十住方生佛家、乃至領佛家業。此十行乃攝行佛事也。又大乘初心、固即二利兼行、而信住位中利他未勝、故此經前二十四位中、並無顯標度生事業。今十行中、利他之事漸彰顯矣。以華嚴對校、明是六度、而後五度乃開智度為五、亦不與常途十度同也。就分十。⑥一歡喜行

阿難。是善男子成佛子已。具足無量如來妙德。十方隨順。名歡喜行。

此施度也。華嚴首標此菩薩爲大施主也。成佛子已。躡上出胎灌頂也。具足諸佛妙德者。按華嚴。此菩薩學習諸佛本所修行。乃至演說諸佛本所修行。如是十句。皆言諸佛本所修行是也。十方隨順者。卽廣行布施也。華嚴云。隨諸方土有貧乏處。以願力故。往生於彼。豪貴大富。財寶無盡。行財施。乃至身肉不捨。行法施。則與說三世平等。乃至菩提涅槃。是爲十方隨順也。結名歡喜者。華嚴云。衆生乞求。菩薩倍復歡喜。曰。此衆是我福田。是我善友等也。亦云。令諸衆生歡喜滿足是也。而餘文亦有體達三空。不著相意。無煩備引矣。

⑤二饒益行

善能利益一切衆生。名饒益行。

此戒度也。華嚴此行首標護持淨戒。而以不著色聲等五欲爲本。乃至不生一念欲想。何況從事。善能利益衆生者。華嚴云。令一切衆生住無上戒。乃至菩提涅槃。又自得度。令他得度。乃至自快樂。令他快樂。凡有十句。皆雙標二利。故結名饒益。以戒德而饒益也。

⑥三無瞋行

自覺覺他。得無違拒。名無瞋恨行。

此忍度也。華嚴首標此菩薩常修忍法。彼名無違逆行。卽無違拒也。凡有辱來。違拒不受。卽是不忍。今無違拒。當卽是忍。華嚴謂無量罵辱打辱。皆能歡喜忍辱是也。今言自覺覺他得無違拒者。亦如華嚴

云菩薩思惟、自身與苦樂皆無所有、卽自覺也。又云我當解了、廣爲人說、卽覺他也。又總結云、自得覺悟、令他覺悟、與今經文全同、皆謂覺悟毀辱虛妄、應無違拒也。結名無瞋行者、如金剛云、若有我相人相等、於支解時、應生瞋恨、是知無瞋恨方爲真忍也。

④四無盡行

種類出生、窮未來際、三世平等、十方通達、名無盡行。

此進度也。華嚴首標此菩薩修諸精進、且自第一精進、乃至普徧精進、共十種精進。種類出生、華嚴謂阿鼻盡出、皆得成佛、皆入無餘涅槃、然後自果方成。夫衆生極至阿鼻成佛、則盡其種類。卽如金剛所謂十二類生、皆入無餘涅槃而滅度之謂也。出生、卽出生諸佛也。盡未來際者、謂海滴刹塵、盡劫苦行、終無一念悔恨是也。三世平等者、文云、但爲知三世平等性、故而行精進是也。十方通達者、文云、但爲知一切法界而行精進是也。以十方卽十法界故耳。夫種類出生、卽第一心盡未來際、卽常心。三世平等、卽不顛倒心。十方通達、卽廣大心。四皆無盡、故結名無盡之行。然華嚴無屈撓行、直表精進而已。此申四種無盡、見精進之殊勝也。

⑤五離癡亂行

一切合同種種法門、得無差誤、名離癡亂行。

此禪度也。華嚴首言此菩薩心無散亂、堅固不動等是也。一切合同種種法門、卽以一念定心、持一切法也。華嚴云、能持出世諸法言說、乃至能持建立受想行識自性言說。又云善入一切諸禪定門、知諸

三昧同一體性是也。得無差誤者。如云菩薩聞無量法。經無量劫。不忘不失是也。結名無癡亂者。良以定中不能持諸法門。是爲癡定。於諸法門不免差誤。仍是亂心。今持種種法。而又無差誤。是癡與亂俱離也。又梵語禪那。此云靜慮。今離癡是慮。離亂是靜。故屬禪度無疑。

### ⑥六善現行

則於同中顯現羣異。一一異相各各見同。名善現行。

此智度也。此下五行與華嚴名雖多同。而義實不類。亦與常途後五度迥殊。細詳乃是總一智度而開之爲五種甚深般若。例如六根本惑而開見爲五也。所以融前五度中萬行皆令成至德矣。今此一行。乃理事無礙智。亦二諦融通智也。同中現異者。卽理不礙事。亦真融通於俗也。異相見同者。卽事不礙理。亦以俗融通於真也。而結名善現行者。明此菩薩於一一行事理雙顯真俗並融矣。

### ⑦七無著行

如是乃至十方虛空滿足微塵。一一塵中現十方界。現塵現界。不相留礙。名無著行。

此事事無礙智。卽十玄門中廣狹無礙自在門也。然亦略舉一門。而此菩薩應亦十玄並融也。十方微塵現十方界者。如經云。華藏世界無數塵。一一塵中見法界是也。溫陵曰。此由善現行充擴圓融也。塵中現刹名現界。不壞塵相名現塵。○不相留礙者。界入塵而界不小。是小不留礙於大也。塵含界而塵不大。是大不留礙於小也。結名無著行者。明此一有執著。安能小大並融如此。三祖云。極大同小。永無邊表。極小同大。忘絕境界。永無與忘絕。卽無著也。

⑤八尊重行

種種現前，咸是第一波羅蜜多，名尊重行。

此究竟彼岸智也。種種現前等，躡前二無礙智而明其取證究竟自利之極果也。梵語波羅蜜多，此云到彼岸。蓋生死爲此岸，涅槃爲彼岸。今言第一，卽佛無餘大涅槃也。又種種咸是者，如四卷云，種種變現皆合如來涅槃妙德是也。然全屬般若者，以前五度若無般若皆墮事相，惟招果報，不達涅槃。今五度萬行皆以法界無障礙智融之，所以皆達彼岸，莫非第一波羅蜜也。結名尊重行者，以大涅槃是佛極果，亦卽如來頂相故也。華嚴名難得行者，行行皆到彼岸，誠不易得矣。

⑥九善法行

如是圓融，能成十方諸佛軌則，名善法行。

此軌物生解智也。華嚴此行專明說法無礙，如是圓融等，亦躡前二無礙智而明其建立究竟利他之教法也。而諸佛軌則者，卽開示衆生無量法門，然旣躡二無礙之圓融，則惟取六相十玄等，所謂一字法門，海墨書而不盡者也。末句結名可知。

⑦十眞實行

一一皆是清淨無漏，一眞無爲，性本然故，名眞實行。

此不違實相智，亦會緣入實智也。一一者，固躡二無礙自利利他諸行，而實總前九度俱該也。清淨無漏，謂非貪染於凡外欲有無明，一眞無爲，謂非劬勞於權小肯綮修證，性本然故者，作二句之由，意明



從性起修，不妨全修卽性，所以清淨不屬諸漏，本然不墮有爲也。又解，清淨無漏，揀異三界有漏，一真無爲，揀異二乘有爲，性本然故，揀異權漸修成，亦通結名真實者，由無漏則非雜妄修，究竟成眞因也。故名眞行，由無爲則非所作性，畢竟有實果也。故名實行，又通論智度所開五行，前二是般若之體，以二法界無障礙智，乃甚深般若故也。次二是般若之用，謂波羅蜜乃趨果自利之用，佛軌則乃說法利他之用故也。末一攝前體用，并前五度萬行，總以銷歸自性會性歸元也。行位十位竟。



國家圖書館



004758722



1.94

54

36

8

籍